



初學記卷第十七

人事上

聖第一

賢第二

忠第三

孝第四

友悌五

恭敬六

聰敏七

聖第一

象

尚書曰睿作聖又曰聖作則易曰備

物致用立功成器以為天下利莫大乎聖人知
進退存亡而不失其正者其惟聖人乎禮記曰
大哉聖人之道洋洋乎發育萬物峻極于天譬

如天地之無不持載無不覆燾徒到如四時之

錯行如日月之代明家語曰昔哀公問何謂聖

人孔子對曰所謂聖人者智通乎大道應變而

不窮測物之情性者也六韜曰夫聖人者與天

下之人皆安樂管子曰聖人若天然無私覆也

若地然無私載也私者亂天下也老子曰聖人

無常心以百姓心為心善者吾善之不善者吾

亦善之莊子曰天下上梁倚者有聖人之才而無

聖人之道我有聖人之道而無聖人之才吾教

之其果為聖人也孫卿子曰天下無二道聖人

者天下利器也說苑曰聖人之於百姓其猶赤

子乎設者食之寒者衣之將之養之育之長之

唯恐其不至於大也**事對**受圖 加筭尚書考曜

五百六十歲精反初握命凡起河圖聖受思鄭玄注曰聖謂堯也天握命人當起者河乃出圖黃帝克受而思之以受曆數也

河圖曰黃帝曰凡人生一日天帝賜筭三萬六千入賜紀二十

聖人得三萬六千七百二十月人得三萬六千一紀主一歲聖

人加十燭遠 照微 尸子曰聖人之身猶日也天日圖尺

百二十 靈照燭微理絕功外 虛心 正已 老子曰聖人虛其心而實

已也故曰 參天 配地 易曰昔者聖人之作易也幽贊於

薰禮曰哀公問曰何謂聖人者其事大配
乎天地參乎日月若天之司莫之能識
合節 應樞 韓

外傳曰舜生於諸逢遷於負夏卒於鳴條東夷之人也文王生
於岐周卒子畢郢西夷之人也地相去縣隔然得志而行乎中
國如合符節孔子曰先聖後聖其揆一也殷

康論易曰昔伏羲始畫八卦觀象以應樞
穆穆 洋洋

大戴禮曰哀公問曰何謂聖人孔子對曰所謂聖人者智通乎
大道應變而不窮穆穆純純莫之能循此則聖人也尚書曰聖

謨洋洋嘉
孔彰 隨時舉事 以德分人
文子曰聖人隨時而
舉事因資而立功守

清道拘雌節因循而應變常後而不先莊子曰
窮神知化
以德分人謂之聖智似深淵明如日月謂之聖

盡妙躰道
姚信士緯曰聖人高不可極深不可測窮神知
化此所稟於天也五行論曰聖人盡衆妙躰至

當故不末有所
先識 玄照
姚信士緯曰聖人獨見先識
示而物自親之 仁若春陽信若影響揚方五

經鈎况曰聖之生必資於陰陽陰陽之理即聖人所盡但盡陰
陽之理則玄照之本自見此謂不求於自知而理盡自然知者

兼應 一兩忘
祖台之道論曰夫道以至虛順通聖人以忘
懷兼應劉瑾論曰聖人躰蘊乾坤故有無兩

也 不相 無名
史記曰唐舉相蔡澤曰吾聞聖人不相殆
先生乎莊子曰至人無已神人無功聖人

無感而後應 言而後行
莊子曰聖人感而後應迫而
後動不得已而後起管子曰

聖人擇可言而後行偷得利而後
致用 備德
易曰備物
害偷得樂而有憂上聖人不為也

器以為天下利莫大乎聖人禮記曰聖人之記事也慮之以大
愛之以敬行之以禮修之以孝始之以義終之以仁是故古之

人一舉事而衆皆
成務 創物
易曰夫易聖人之所以極
知其德之備也 深而研機唯深也故能通

天下之志唯機也故能成天下之務唯神也故不疾而速不
行而至周禮曰智者創物巧者述之百工之事皆聖人之作

神化 天行
文子曰聖人者與天地合其德與日月合其
明能以神化者也莊子曰聖人之生也天行

其死也物化靜而與陰同德動
天縱 玄達
論語曰太宰
而與陽同波不為福先不為禍始

夫子聖者與何其多能也子貢曰固天縱之將聖又多能也文
子曰聖人誠使耳目精明玄達無所誘慕精神內守形骸不越
即觀乎往代之外來 **純純** **蕩蕩** 大戴禮哀公問曰何謂
聖人之內何足見也 **純純** 聖人也孔子對曰所謂

聖人者穆穆純純莫之能循此則可謂聖人矣列子曰孔子曰
西方有聖者焉不化而不亂不言而自信不化而自行蕩蕩乎
人無能 **本天地** **參日月** 禮記曰聖人作則必以天地為
名焉 本以陰陽為端以四時為柄以

日星為紀大戴禮曰孔子曰聖人者事 **備九德** **綜三綱**
大配乎天地參乎日月而雜以雲霓 備九德 **綜三綱**
孔融聖人優劣論曰以為聖人俱受乾坤之淳靈稟造化之和
氣該百行之高善備九德之淑靈摯虞孔子讚曰仲尼大聖遭

時昏荒河圖沉翳鳳鳥幽藏爰整禮 **稟四時** **貫萬物** 姚
樂以綜三綱因史立法是謂素王 稟四時 **貫萬物** 姚
士緯曰聖人所稟於四時也所稟於元氣也淮南子曰聖人內
修其道術而不外飾仁義不知耳目之宜而游乎精神之和若

然者橫廓六合兼貫 **幽贊神明** **彌綸天地** 易曰聖人
萬物以聖人之游也 **幽贊神明** **彌綸天地** 作易幽贊
於神明參天兩地而倚數又揚 上經鈎沉曰生而知之者上
也問曰孰生而知之乎谷曰聖人二儀既判懸象列暉八風有

序四氣錯御覽日月而達陰陽之數消搖八節俯仰玄黃彌綸
天地之躰窮竟有生之機瞻天為師用醒已心故曰生知不亦
審 **論** **後漢孔融聖人優劣論** 孔子稱大哉堯之為君
平 唯天為大唯堯則之是

為覆蓋眾聖軍優之明文也堯作天子九十餘年政化洽於人
心雅頌流於眾聽是以聲德發聞遂稱為首易所謂聖人久於
其位而天下化成百年然後勝殘去殺必世而後仁者也故曰
大哉堯之為君堯之為聖也明其聖與諸聖同但以久見稱為

君 **梁沈約辨聖論** 聖人遺情忘已常以兼濟為念若不登
也 **梁沈約辨聖論** 九五之位則其道不行非以黃屋玉璽
為尊貴也文王造周而未集武王集之而未成周公雖無王祿
而父兄二聖之烈不可以不終若不表示聖功制禮作樂則太

平之業不著二 **晉華譚新論** 夫躰道者聖遊神者哲躰道
聖之美不彰 **晉華譚新論** 然後寄意形骸之外遊神然
後窮變化之端故寂然不動而萬物 **殷仲堪天聖論** 天者
為我用塊然玄默而眾機為我運 **殷仲堪天聖論** 為萬

為我運 為萬

物之根本冥然而不言百姓生而不有其功萬物成而不疲其勞聖者承天之照用天之業聖宣其道者也 **頌張**

文宗太宗文皇帝頌 赫矣神武繼期作聖下括九圍上齊七政業統文武勳邁高光何險

不濟何患不士女胥悅篚厥玄黃斯物之至昭于我皇我皇覆育資生懷造配堯登唐攘周在錫翕受敷施明徵定保允神

厥德方清帝道帝道欽明天下和平三時不害百 **顏師古聖**

穀以成我庾斯積如坻如京既富而教訟息刑清 **德頌** 天下文明日月貞觀百神受職三靈叶贊太階既平光華照爛超軒跨皞騰周軼漢萬壽無疆永延遐筭

後漢張超尼父頌 巖巖孔聖異代稱傑 **讚** **晉湛方生**

孔公讚 邈哉孔公龍見九二闡化繫象道映周季

賢第二 事 **語林曰賢者國之紀人之望自古帝王皆以之安危故書曰惟后非賢不乂惟賢非**

后不食昔者周公體大聖之德而勤於吐握由

是天下之士爭歸之向使周公驕而且吝士亦

當高翔遠去所至寡矣後漢李固上表曰臣聞

氣之清者為神人之清者為賢理身者以練神

為寶理國者以積賢為道黃石公三略曰傷賢

者殃及二代蔽賢者身當其害達賢者福流子

孫嫉賢者名不全呂氏春秋曰信賢而任之君

之明也議賢而下之臣之忠也又曰得地千里

不如得一賢士又語曰黃金累千不如一賢列

不如得一賢士又語曰黃金累千不如一賢列

東夏

子曰治國之難在於知賢而不在自賢論語曰
 見賢思齊焉見不賢而內自省也孫卿子曰古
 之賢者食則飮食鬻不足衣則短褐不完然而非
 禮不進非義不受說苑曰夫絕江海者託於舟
 致遠道者託於乘欲伯王者託於賢西京雜記
 曰漢文帝為太子立思賢苑以招賓客周書
 陰符曰凡治國有三常一曰君以舉賢為常二
 曰官以任賢為常三曰士以敬賢為常夫然雖
 百代可知也



順德

樂道

周禮曰以賢制爵則民順德孔業子曰魯

人有公儀潛賢者也樂道好古恬於榮利

建官

制爵

尚書曰建官惟賢位事惟能崇德報功垂拱而

天下化制爵見上

配聖

法天

西涼武昭王賢明魯頌回頌曰問一洞上速于神機用捨行藏配德

聖師黃帝素問曰賢人者法則天地象以日月

季子女覽

林宗洞照

孫子荆入賢讚

曰季子聰哲思心精微玄覽幽寤觸類應機李尤九賢郭有道頌曰莪莪有道英風霞爽玄覽洞照慧心秀朗

詩喻

鶴鳴

易稱鴻漸

毛詩曰鶴鳴誨宣王也鶴在野聞其鳴聲喻賢者雖隱居人咸知之易曰

山上有水漸君子以居賢德善俗鴻漸于陸其羽可用為儀吉

管生抱璞

楚老含真

李尤九賢管徵君頌曰管生含道養志願神抱璞乘和履信依仁謝萬入賢楚老頌曰楚老潛一寂翫無為含真內外載戰羽

積禮

富義

任嘏道德論曰夫賢人者積禮義於朝播仁風於人使天下欣欣歌舞其德呂氏

春秋曰魏文侯過段干木之間而軾曰干木蓋賢人也干木富乎義賈人富乎財

國器

人表

王褒

聖主得賢臣頌曰夫賢者國家之器用也所任賢則趨舍省而功施普器用利則功用少而就効衆班孟堅幽通賦曰天造草

木立性命兮復心弘道惟賢聖兮渾元運宰予風舉戴

矯雲停王廙宰我讚曰翩翩宰我首名言語志表義章英辭風舉吳先賢傳故揚州別駕從事戴矯讚曰猗猗茂

才執節雲停志勵秋霜水潔玉清顧承鴻飛史胄鳳立吳先賢傳奮

讚曰於鑠奮武奕奕全德在家必聞鴻飛高陟上虞今史胄讚曰猗猗上虞金鑿玉貞鳳立鸞時邈矣不傾玉粹

金貞孫綽原憲讚曰原憲玄默冰清王粹志逸九霄身安陋

標凌玉澈避時絕俗論語子曰賢者避世其次避地其次避

詩令施陽字季儒宜春人也為人沉重謚靜清贈帛推

衣韓詩外傳曰孔子遇齊程本于於談郊之間傾蓋而語終

日甚悅頌子路曰由來取束帛以贈先生子路曰由也聞

之於夫子士下中道相見女無媒而嫁者君子不行也孔子曰

詩云有美一人清鳴婉兮邂逅相遇道我願兮且夫齊程本于

天下之賢士也吾於是而贈蔡邕琴操曰昔思華子成文子三

人相與為友聞楚成王好士三子相與俱往見之於豪欽巖之

間卒遇飄風暴雨俱伏於空柳之下衣寒糧乏度不俱活三人

相視歎曰與其俱死也豈若併衣糧於一人哉二子以革為賢

推衣讓之摘光戢景謝萬八賢頌曰皎皎屈原王瑩水鮮舒

曰懿矣大丘惟德之紀飛鸞翔鳳孫子荆八賢管仲讚

警駿奔從糾塊為繫囚沐浴西郊鸞飛詹丘李尤九賢

華太殿頌曰甕壺敬侯誕縱淑姿令迹鳳翔清塵龍飛

明安社稷家語曰夫賢人百福之宗也神明之主也徐幹

得其志則邦國以和社稷以辨星辰黃帝素問克勤克儉知

章知微

尚書曰帝曰來禹克勤于邦克儉于家弗自滿假惟汝賢摯虞顏子讚曰顏子壹壹仁心不違行無貳過

知章 **宣慈惠和**

温良恭儉

左傳曰昔高辛氏有才子八人伯奮仲堪叔獻季仲

伯武仲熊叔豹季狸忠肅恭懿宣慈惠和天下之人謂之八元論語曰夫子温良恭儉讓以得之

勞身苦

體 砥節礪行

樂動聲儀曰召公賢者也明不能與聖人分職常戰慄恐懼故舍於樹下而聽斷焉

勞身苦躄然後乃與聖人齊是周南無美而召南有之孔叢子曰魯人有公儀潛賢者也砥名礪行不事諸侯穆公因子思欲

以為 **揮金 讓玉**

裴啓語林曰管寧嘗與華子魚少相親友共園中鋤菜見地有片金揮鋤如故

與瓦石無異華提而擲去劉向新序曰菜人有得玉者獻諸司城子罕子罕讓不受獻者曰以示玉人玉人以爲寶故獻之子

罕曰我以不貪爲寶若與我皆喪寶也不若各有其寶故宋國長者曰子罕非無寶也所寶異也

虛已 忘心

任嘏別傳曰爲人淳粹愷悌虛已如不足恭敬如有畏其修德履義皆沉默潛行莊子曰養志者忘形養形者忘利致道者忘

天授

神輔

周斐汝南先賢傳曰黃憲潔靜通理齊聖廣淵不矜名以詭時不抗行以矯俗論者

咸曰顏子復生乎漢代矣而其祖族出自孤鄙父爲牛醫少元度教而後能傑然秀出可謂天授者也文子曰積道德者天與

之地助之

參日月

象天地

莊子曰余將去汝入無窮之門以遊乎無極之野與日月

參光與天地爲常誰周法訓曰好學以崇智故得廣業力行而卑躬故能崇德是以君子居謙而弘道然後德能象天地

論

魏高貴鄉公顏子論

心不違仁行無貳過用行捨藏與聖合契聽承微言罔有

不論序之以易以章殊異死則悲慟謂天喪已所以殷勤至於此者聖人嘉賢哲之効

碑

後漢 橋

衡顏子碑

睿哲之姿誕自初育英絕之才著于孩嬰知微知章間一知十仲尼無舜禹之功先生抱元凱

晉夏侯湛左丘明讚

世亂讒勝君子道憂丘明達聖致意春秋微言逃難

傍行

後漢王粲正考父讚

恂恂正父應德孔盛身爲國不流 鄉族則公姓年在耆耄二葉

聞政誰能不怠申慈約敬饘粥予
口僂僕受命名書金鼎祚及後聖
西晉嵇康原憲讚原

味道財寡義豐栖遲華門安賤固窮絃
歌自樂體逸心冲進應子貢邈有清風
晉摯虞左丘明

讚丘明作史時惟衰周錯綜墳籍思弘微猷
闡明王典光演春秋誕宣聖旨曠代彌休
東晉謝萬

七賢嵇中散讚邈矣先生英標秀上希巢洗心擬莊託
相乃放乃逸邈茲俗網鍾期不存奇音

誰賞

忠第三教韓詩外傳曰忠之道有三有大忠

有次忠有下忠以道覆君而化之大忠也以德

調君而輔之次忠也以是諫非而怨之下忠也

周公於成王可謂大忠也管仲於桓公可謂次

忠也子胥於夫差可謂大忠也禮記曰為人臣

殺其身有益於君者則為之左傳曰楚子囊死

遺言謂子庚必城郢郢楚所徙都君子謂子囊忠

君薨不忘增其名將死不忘衛社稷可謂忠乎

忠人之望也又曰晉獻公使荀息傅奚齊對曰

臣竭股肱之力加之以忠貞其濟君之靈也不

濟則以死繼之公曰何謂忠貞對曰公家之利

知無不為忠也送往事居偶俱無猜貞也又狐

突曰子之能仕父教之忠策名委質貳乃辭也

又季文子卒無衣帛之妾無食粟之馬無藏金玉無器備君子是以知季文子之忠於公室也相三君矣而無私積可不謂忠乎東觀漢記曰鮑永字君長行縣過更始冢引車欲下從事諫止之永曰親北面事人何忍車過其墓雖獲罪司隸不辟也遂下車哭盡哀上聞之問公卿曰奉使如此何如太中大夫張堪對曰仁者自行之宗忠者禮義之宗仁不遺舊忠不忘君行之高者上悅說苑曰卑身賤體夙興夜寤進賢不

懈數稱往古以厲主意以安國家如此者忠臣也又曰逆命利君謂之忠東觀漢記曰上於大會中指王常謂群臣曰此家率下江諸將輔翼漢室心如金石真忠臣也是日遷常為漢忠將軍**事對**孔達成衛 安于定趙

左傳曰晉以衛之救陳也討焉使人弗去

曰罪無所歸將加而師孔達曰苟利社稷請以我說遂縊而死衛人以說于晉而免衛人以為成勞復室其子使復其位又曰智文子使告趙孟曰范中行氏雖為亂董安于則發之是安于與謀亂也趙孟患之安于曰我死而晉國寧趙氏定將焉用生乃縊揚仁被甲 應詹負戈

司馬續漢書曰揚仁字文義明帝待詔補北宮衛士

及帝崩時諸國貴盛名爭欲入宮仁被甲持戟嚴勒門衛莫敢輕進者王隱晉書曰王敦將作逆明帝問應詹曰如何詹曰陛

下宜奮赫斯之威臣等當負戈從戎不顧族命之禍以順討逆即日以詹為護軍將同心滅敦張飛橫矛

銚期奮戟蜀志曰先主奔荆州曹公追之先主弃妻子走使張飛將二十騎距後飛據水斷橋瞋目橫矛

曰身張益德也可來共決死敢近者東觀漢記曰銚期從光武略地時王郎檄書到薊中起兵應王郎上趨駕出百姓聚觀喧

呼滿道遮路不得行期騎馬奮戟瞋目大呼左右曰走衆皆披靡銚音姚**耿恭推誠**傅彤

授命范曄後漢書曰耿恭守疎勒明帝崩救兵不至車師復叛與匈奴共攻恭與士推誠同死生故皆無二心蜀志

曰先主退軍義陽傅彤斷後拒戰兵人死盡吳將語彤令降罵曰吳狗豈有漢將軍降者遂戰死拜子僉為左中郎將後為關

羽都督景曜六年又臨危**紀信傳**蘇嵇紹端冕史記授命論者嘉其奕世忠義

羽圍漢王於滎陽紀信說漢王曰事已急矣請為王王可以間出紀信詐為漢王乃乘黃屋車傳左燾曰城中食盡漢王降楚

軍皆呼萬歲王隱晉書曰嵇紹以天子蒙塵馳詣行在王旅賁績於蕩陰百官左右皆奔散唯紹嚴然端冕以身扞衛兵交解

輦飛箭雨集**王堪杖節**周處奮劍傳玄晉諸公讚曰遂以見害

王越表王堪為尚書右僕射假節都督奉迎諸軍事進於灞水上與郭健力戰堪杖節臨陣慷慨氣冠六軍即斬健迎惠帝還

洛陽其後為石勒所襲壘破左右扶堪上馬堪慨然歎曰我國家大將不能禦難以至於此奈何面目復還朝廷終不動騎遂

至被害周處別傳曰氏賊齊萬年為亂以處為建威將軍進軍大戰奮劍慷慨仰天歎曰有進無退以身殉國遂戰而死

柳隱堅壁羅獻保地常璩華陽國志曰柳隱字休然魏鐘會伐蜀入漢川大成多下

唯隱堅壁不動後主既降以手令勅隱隱乃詣會尋文帝聞而義之習鑿齒襄陽耆舊記曰魏伐蜀羅獻為巴東太守吳聞蜀

已敗遣盛獻等水陸並到說獻以合同之計獻銜枚夜出擊破獻旋軍保城告誓將士勵以節義莫不用命**當熊**

授馬漢書曰孝元帝馮昭儀上幸虎圈獸獸後宮皆坐熊遽逸出圈攀檻欲上殿左右貴人皆驚走昭儀直當熊前

而立左右格殺熊上問人情驚懼何故前當熊對曰猛獸得人而止妾恐熊至御坐故以身當之帝嘆嗟因為敬重焉魏志曰

曹洪字子廉太祖從弟也太祖起義兵下馬以馬授太祖太祖辭讓洪曰天下可無洪不可無君遂步從到汴水水深不得渡

洪循水得船與太祖共濟**申**申**崩斷臂**弘演納肝劉向新序曰崔杼

海將入死之門者以若崔杼令勿內之申崩曰汝疑我乎吾與女臂乃斷左臂而與門者以示崔杼杼陳八列令入申崩援劍呼天而闔呂氏春秋曰狄人逐衛懿公於榮澤見殺盡食其肉獨舍其肝弘演使還哭畢呼天而號盡哀而止因自出其肝以

內懿公**碎首**袒背公羊傳曰宋萬弑閔公仇牧聞之趨

仇牧碎其首齒著于門闔仇牧可謂不畏強禦矣左傳曰齊襄公田于具丘喪屨反誅屨於徒人費弗得鞭之見血走出遇賊于門劫而束之費曰我奚禦哉袒而示之

背信之費請先入伏公而出闔死于門中**啣鬚**瞋目范

後漢書曰温序為護羌校尉行部至襄武為隗囂別將苟宇等所劫宇謂序曰子若與我并威同力天下可圖序曰受國重任

不當効死義不貪生宇遂以劍序受劍街鬚於口願左右曰既為賊所迫殺無令髮汗士渠作魏統曰曹公之敗於張樂也雖

校尉典韋力戰鬥中兵散賊從他門入韋突殺數人重創瞋目大罵而死**令德**高行左傳曰

德管子曰忠者**季孫相魯**諸葛興漢左傳曰晉人執

臣下之高行**季孫相魯**諸葛興漢左傳曰晉人執

莒丘范文子謂藥武子曰季孫於魯相三君矣妾不衣巾馬不食粟可不謂忠乎蜀志曰諸葛亮表曰今南方已定兵甲已足

庶竭駑純攘除姦克興復漢室還于舊都此以所以報先帝而忠於陛下之職分也**抉目**剖心史

曰吳王賜子胥屬鏤之劍以死子胥仰天歎曰抉吾眼著吳東門上以觀越寇之滅吳也乃自剄而死尚書曰斯朝涉之脛剖

賢人之心孔安國注曰比于忠諫謂其心有異於人剖而觀之**奉初**推後左傳曰楚平

揚殺太子太子奔宋王召奮揚曰言出於余口入於爾耳誰告建也豈曰臣告之君王命臣曰事建如事余臣不佞不能苟貳

奉初以還不忍後命故遣之漢書曰公孫弘奏事有所不可不肯庭辨常與汲黯請間黯先發之弘推其後**復楚**

歸邾左傳曰初伍員與申包胥友其亡也謂包胥曰我必復楚國包胥曰子勉之子能復之我必興之及昭王在隨

左傳曰楚平王信讒使奮

包胥如秦乞師立依於楹而哭日夜不絕聲勺飲不入口如是秦師乃出又曰師入邾邾衆保於繹邾茅夷鴻以束帛乘車請救於吳吳子伐魯而邾子歸之也

勃蘇晝吟

許肅夜泣

戰國策曰吳入郢楚冒勃

蘇贏糧潛行十日而薄秦朝鶴立而不轉晝吟宵泣七日不得水漿無入於口秦王聞而走之冠劍不相及左奉其首右濡其口於是秦救楚退吳師復楚國許肅列傳曰肅為愍帝侍中帝送平陽頃之劉聰陰行鴆毒帝因食心悶欲見肅肅馳詣前帝已不能語執肅手流涕肅歔歔登床帝遂殂於扶抱之中晝夜號泣哀感異類

城郢

復陳

城郢見敘事中

家語曰孔子讀史楚復陳曰賢哉楚莊王也輕千乘之國而重一言之信非申叔時之忠不能建其義非莊王之賢弗能受其

訓衛難

犯顏

禮記曰公叔文子卒其子成請謚於君君曰昔衛國有難夫子以死衛寡人不亦貞

乎漢書曰汲黯字長孺好面折不能容人之過其諫犯主顏色常慕傅伯素盜之為人

束帛

贏糧

並

已見

冒難

經險

許肅冒難持愍帝左右賊共議曰此晉之忠目也又抱朴子曰竭身命以徇國

經夷險而

龍勝推印

胡剛懸冠

漢書曰王莽篡位遣使奉璽書印綬

馳馬迎龔勝勝輒推不受曰吾受漢家大厚之恩無以仰報豈以一身事二姓范曄後漢書曰胡廣六葉祖剛清高有忘節

帝時大司馬薛之王莽居

石碯滅親

樂羊食子

左傳曰衛

州吁弑桓公石厚從州吁如陳石碯使告于陳曰此三人者實弑寡君敢即圖之陳人執之而請於衛衛人使右宰醜莅殺州

吁于濮石碯使其宰孺羊肩荏殺石厚于陳君子曰石碯純臣也惡州吁而厚與焉大義滅親其是之謂乎韓子曰樂羊為魏

將攻中山其子在中山山之君烹其子而遺之樂羊坐於幕下而饗之

李不顧宗

祭不

念屬

東觀漢記曰王郎遣將攻信都大姓馬寵開城內之牧李忠母妻子而令親屬招呼忠時寵弟從忠為校尉忠

時召見責數之以背恩反城因格殺之諸將皆驚曰家屬在人手中殺其弟何也忠曰若縱賊不誅則二心也上聞而謂忠曰今吾兵已成矣將軍可歸救若毋妻子忠曰蒙明公大恩忠得効命誠不敢內顧宗親又曰信都反為王郎所置信都王捕繫

祭彤父弟及妻子使為手書呼彤曰降者封爵不降者滅族彤泣報曰事君者不得顧家形親所以至今得安於信都者劉公之恩公事方爭國不得復念私也

文 太宗文皇帝祭比干文 且道喪時昏姦

邪並用暴君虐主正直難居雖識鑒存亡詎能遣凶殘之累智周萬物不離顛沛之然則大厦將崩非一木之能正天道去矣豈一賢之能全奮不顧身有死無二蹈斯節者罕有其人所以悽愴風烟靡尋餘跡暄涼丘壟空有其名雖古今殊塗年代冥寞式遵故實爰贈太師謚忠烈公清酌少牢以陳薄禮游魄髣髴昭此嘉誠

陳李元操為宣帝

祭比干文 自獨夫肆虐天下崩離觀竅剖心固守誠節忠諭白日義槩秋天義皇已來一人而已見馬卿

之賦恨不同時聞李牧之名願以為將九原不作恨深千古聊伸薄祭君其饗諸

讚 隋庾信表

盜諫文帝讚 千乘峻轍六轡危行路迴松坂山斜柳城斬馬逐請魚文身摧欄檻義烈風雲應從御史翻賴

將 **梁元帝忠臣傳受託篇** 六貞英挺投袂勤王伯猷蹈節身殞名揚

疑疑景倩主亡與亡嗟乎尚矣惟國之貞 **又忠臣傳諫爭篇** 子政鏗鏗誠存社稷朱雲折檻

遂其直 **表** 梁元帝上忠臣傳表 資父事君實曰嚴敬求忠出孝義兼臣子

是以冬溫夏清盡事親之節進思將美懷出奉之義是知理會君親忠孝一躰性與率由恩義致極 **序** 梁元

帝忠臣傳序 夫天地之大德曰生聖人之大實曰位由生所以盡孝因位所以立忠事君事父資敬之

理寧異為臣為子率由之道斯一忠為令德實所景行今將發篋陳書洛加論討

孝弟四 事 爾雅曰善事父母曰孝孝經曰夫孝天之經也地之義也人之行也禮記曾子曰孝體

有三大孝尊親其次弗辱其下能養公明儀問

曾子曰夫子可以為孝乎曾子曰孝者先意承

曾子曰夫子可以為孝乎曾子曰孝者先意承

曾子曰夫子可以為孝乎曾子曰孝者先意承

志諭父母於道參直養者也安能爲孝毛詩曰
哀哀父母生我劬勞無父何怙無母何恃出則
銜恤入則靡至父兮生我母兮鞠我拊我畜我
長我育我顧我復我出入腹我欲報之德昊天
罔極論語曰孟懿子問孝子曰無違樊遲曰何
謂也子曰生事之以禮死葬之以禮祭之以禮
韓詩外傳曰曾子曰往而不可還者親也故孝
子欲養而親不待是以推牛之葬不如雞豚之
逮親存也初吾爲吏祿不過金尚欣欣而喜者

非以爲多也樂其逮親也既沒之後吾嘗南遊
於楚得尊官焉堂高九尺轉轂百乘然後北嚮
而泣涕者非爲賤也悲不逮吾親故家貧親老
不擇官而仕孝子傳曰老萊子至孝奉二親行
年七十著五綵褊襴衣弄鷓鴣於親側又曰吳
恒之性至孝母葬之夕設九飯祭每臨一祭輒
號慟斷絕至七祭吐血而死呂氏春秋曰凡理
國家者必先務本務本莫過於孝夫孝三皇五
帝之本務而萬事之綱紀也執一術而百善至

禮記曾子曰身也者父母之遺體也行父母之遺體敢不敬乎居處不莊非孝也事君不忠非孝也莅官不敬非孝也朋友不信非孝也戰陣無勇非孝也五者不遂災及於親敢不敬乎夫孝置之而塞乎天地敷之而橫乎四海斷一樹殺一獸不以其時非孝也孝經援神契曰元氣混沌孝在其中天子孝天龍負圖地龜出書天孽消滅景雲出游庶人孝則澤林茂浮珍舒怪草秀水出神魚毛詩曰陟岵孝

母也陟彼岵兮瞻望母兮母曰嗟予季行役夙夜無寐上慎旃哉猶來無棄來廣微補亡詩曰南陔孝子相戒以養也循彼南

陔言採其蘭眷戀怡聲禮記曰適父母之所乃下愉色氣怡聲又曰孝子之有深

愛也必有和氣有和氣者必嗣服毛詩曰下武繼

有愉色有愉色者必有婉容繼志文也媚茲一人

應侯順德永言孝思昭哉嗣服鄭玄注曰服事也昭哉武王言

嗣行祖考之事謂伐紂定天下也禮記曰武伐紂定其達孝矣

乎善繼人之志賜筭河圖曰孝順三親得筭二千

善述人之事得壽天司錄所表事賜筭中功禮

記曰舜其大孝也歟德為聖人尊為天子富有四海之內宗廟

享之子孫保之故大德也必得其位必得其祿必得其名必得

壽問豎禮記曰文王之為世子朝於王季日三鵝

初鳴而衣服至於寢門外問內豎之御者求醫禮記曰文王之為世子朝於王季日三鵝

曰今日安否何如內豎曰安文王乃喜及日中又至亦如之及

暮亦如之其有不安節則內豎以告文王文王色憂行不能正

履王季復膳然後亦復初孝經援神契曰孝悌之至通於神明

病則致其憂顧額消形求醫翼全宋均注曰翼羽翼親者也

盡歡 竭力 禮記曰子路曰傷哉貧也生无以養死無以

論語子夏曰事父母能竭其力事君能致其身與朋友交言而有信雖曰未學吾必謂之學矣 **先意 察色**

禮記曰公明儀問於曾子曰夫子可以為孝乎曾子曰是何言

歟君子之所謂孝者先意承志諭父母於道參直養者也安能

為孝也東觀漢記曰汝郁字叔異年五歲母被病不能飯食郁

常抱持啼不肯飲食母怜之強為餐飯欺言已愈郁察母顏色

不平輒復不食宗親 **盡力 樂心** 周書曰忠愛以事親敬

共異之因字曰叔異 **樂心** 以敬之盡力而不固敬

以安之忠孝者也禮記曰曾子曰孝子之養親也 **扇枕 温**

席 其心不違其志樂其耳目安其寢食者也 **扇枕 温**

東觀漢記曰黃香字文強父兄舉孝廉元奴僕香躬執勤

苦盡心以養體無被袴而親極滋味暑則扇床枕寒即以

温席表山松後漢書曰羅威母年七十天寒常以身温席而後授其處 **承烝 孜孜** 尚書曰

在下曰虞舜帝曰俞予聞如何岳曰瞽子父頑母嚚象傲克諧

以孝烝烝又弗格茲東觀漢記曰章帝殂明帝子以至孝稱 **孜孜**

攻滕 漢奩 魏爾玉 東觀漢記曰明帝武第四子陰后所

下 **漢奩 魏爾玉** 生即祚長思慕至踰年正月當謁原陵

夢先帝太后如平生惟朝率百官上陵上伏御床視太后鏡奩

中物感動悲涕令易脂澤粗具左右皆泣莫敢仰視魏志曰明

帝太和元年初營宗廟掘地得璽方一寸九

分其文曰天子美思慈親明帝為之改容 **曾閔 荀何**

論語曰孝哉閔子騫人不問於其父母昆弟之言家語曰曾參

字子輿志孝道故孔子因之作孝經蕭廣濟孝子傳曰閔損與

曾參門徒之中最有孝稱今言者莫不本之曾閔荀伯子荀氏

家傳曰荀顗年踰耳順而母年九十色養烝烝以孝聞當時在

喪顗頓兒不可識蓬首環經奉迎節使若嬰孩之號哀慟旁入

傳立著書稱勗與何曾曰文王之道事其親者其順昌何侯乎

其荀侯乎古稱 **色難 敬易** 論語曰子夏問孝子曰色難

曾閔今有荀何 **色難 敬易** 有事弟子服其勞有酒食先

生饌曾是以為孝乎鄭玄注曰言和顏悅色為 **陟 帖 倚門**

難也食餘曰饌莊子曰以敬孝易以愛孝難 **陟 帖 倚門**

毛詩曰陟帖孝子行役思念父母也陟彼帖兮瞻望父兮父曰

嗟乎予行役夙夜無已上慎旃哉猶來無止師覺授孝子傳曰

子夏問孝子曰色難

有事弟子服其勞有酒食先

生饌曾是以為孝乎鄭玄注曰言和顏悅色為

難也食餘曰饌莊子曰以敬孝易以愛孝難

毛詩曰陟帖孝子行役思念父母也陟彼帖兮瞻望父兮父曰

趙狗幼有孝姓年五六歲時得甘美之物未嘗敢獨食必先以哺父出輒待還而後食過時不還則倚門啼以俟父至數年父沒狗思慕羸悴不異成人哭泣哀號居於塚側鄉族嗟稱名聞流著漢安帝時官至侍中

吮癰 嘗毒

東觀漢記曰 儵字長魚事母至孝母嘗病癰儵晝夜匍伏不離左右至為吮癰周裴汝南先賢傳曰蔡順字君仲有至孝之心少喪父奉養母甘口之物不敢先嘗母至婚家因飲酒變吐順恐中毒乃嘗其吐母生瘡出膿以口嗽之

陸績

懷橘 殷惲持瓜

吳志曰陸績字公績年六歲於九江見袁術術出橘績懷三枚因拜辭墮

地術曰陸郎何乃作賓客而懷橘乎績跪答曰欲歸遺母術奇之蕭廣濟孝子傳曰殷惲生而謹愿七歲喪父哀號毀悴不為戲弄得瓜果可啖之物 懷持進母未嘗先食

鮑永去妻

郭道瘞子

東觀記曰鮑永

字君長上黨人也少有志操事後母至孝妻嘗於母前叱狗而承即去之裴子野志略曰散騎常侍袁翰薦會稽郭道事繼母至孝家貧產子憂不能字謂其妻曰傷慈以終者吾元恨也遂寤之

無改

不忘

論語曰父在觀其志

父沒觀其行三年無改於父之道可謂孝矣禮記曰先王之孝也色不 忘乎目聲不絕乎耳心志嗜欲不忘乎心君子主則

敬養死則敬享 思終身不辱

陳紀畫像

丁蘭圖形

海內先賢傳曰陳寔子故大鴻臚

紀字元方 至德絕俗才達過人烝烝色養不離左右豫州刺史嘉其至行表上尚書畫像百城以厲風俗焉孫盛逸人傳曰丁蘭者何內人也少喪考妣不及供養乃刻木為人髣髴親

形事之若生朝夕定省其後隣人張叔妻從蘭妻有所借蘭妻跪報木人木人不悅不以借之叔醉疾來醉罵木人以杖敲其頭蘭還見木人色不懌乃問其妻妻具以告之即奮劍殺張叔吏捕蘭蘭辭木人去木人見蘭為之垂淚郡 縣嘉其至孝通於神明圖其形象於雲臺也

杜孝投魚

羅威進果

蕭廣濟孝子傳曰杜孝巴郡人也少失父與母居至孝稱役在成都母喜食生魚孝於蜀截大竹筒

盛魚二頭塞之以草祝曰我母必得此因投中流婦出汲乃見筒橫來觸岸異而取視有二魚含笑曰必我婿所寄熟而進之聞者嘆駭又陸徹廣州先賢傳曰羅威字德仁八歲喪父事母至孝耘耒為業勤身苦體以奉供養令召署門下吏不就將母

道避隱居增城縣界令還復故居 **有司旌門** **太守表墓**

魏收後漢書曰楊引三歲喪父為母所養母年九十三終引年七十五哀毀過禮三年服終恨不識父追服斬衰誓終身命經

十三年哀慕不改為郡縣鄉閭三百餘人上狀稱美有司奏宜旌賞復其一門旌其純孝王烈之安成記曰縣有孝子符表以

孝聞天下年十六其母姜氏有疾侍省晝夜數十日母一食表亦一食母不食表亦不食見母將絕至慟成咽迺至殯俄傾母

又亦沒一日二喪在殯葬於四望岡 **賦** **魏陳思王曹植**太守王府君樹雙闕以表其墓

懷親賦 獵平原而南驚觀先帝之舊營步壁壘之常制識旌永遊赴脩途以尋遠情眷

戀而頌懷鬼須臾而九反 **晉陸士衡思親賦** 悲桑梓之嘗之弗營指南雲以寄欵望歸風而効誠年歲俄其聿暮明星

爛而將清迴風肅以長赴零雲紛其下積美纖枝之在榦悼落葉之去枝存葉復之遺志感明發之所懷兄瓊芳而 **晉劉柔**

惠茂弟蘭發 **暉感現貴之晚就痛慈景之先違**

妻王氏懷思賦 超离親而獨寄與憂憤而長俱雖毫分以下而怡裕集同生而從容常欣泰而

逸豫何運遇之偏否獨遼隔於脩路 **梁武帝孝思賦** 念過倏忽悲逝川之不停踐霜露之妻愴懷燧穀而涕零仲由念枯

魚而永慕虞丘感風樹而長悲離一至而捨生奉二親万何期

晉束皙補亡詩曰南陔孝子相戒以養也 彼循

南陔言採其蘭春戀庭闈心不違安彼其之子罔或遊盤循彼南陔厥草油油彼其之子色思其柔眷戀庭闈心不違留馨爾

夕膳絜爾晨羞有懶有懶在何之矣按彼赴相噬魴捕鯉噉噉林鳥受哺于子養優敬溥惟禽之似勗增爾虔以介壽祉

其二章曰白華孝子之絜白也 白華朱萼被于幽薄 粲粲門子如磨如錯

終晨三省匪惰其恪白華絳跌在陵之陬借借士子沮而不渝 竭誠盡敬豐豐忘劬白華之足在丘之曲堂堂處子无營无欲

鮮侔晨葩 **魏王粲思親四言詩** 穆穆皇妣德音徽止思莫之點辱 齊先姑志侔姜妙躬此

勞瘁鞠予小子小子之生遭世罔寧烈考勤時從之于征奄瀟不造殷憂是嬰**讚**梁元帝孝德

傳天性讚生之育之長之畜之願我復我答施何時欲報之德不可方思消塵之孝河海之慈廢書歎息泣下

連晉夏侯湛閔子騫讚烝烝子騫立躰中正干祿碎親孝親盡敬勉心景迹事詞流詠

友悌第五事叙論語曰孝弟也者其為人之本與

又曰孝乎惟孝友于兄弟尚書君陳曰友于兄

弟克施有政爾雅曰善兄弟為友詩曰兄弟既

翕和樂孔孺又曰陟彼岡兮瞻望兄兮兄曰嗟

予季行役夙夜必偕上慎旃哉猶來無死孔子

曰兄弟怡怡如也汝南先賢傳曰潁川陳寔有

子曰元方次曰仲方並以名德稱兄弟孝養閨

門雍睦海內慕其風四府並命無所屈就兄弟

嘗過同郡荀爽夜會飲宴太史奏德星聚周禮

大司徒曰六行孝友睦婣任恤春秋左氏傳曰

君義臣行父慈子孝兄友弟敬所謂六順**事對**

因心 本性毛詩曰維此王季因心則友則友其兄則篤其慶庾袞列傳曰次兄有疾癘氣方殷袞納

漿粥扶持不舍晝夜梁王同輦漢書曰梁友愛之至本之天性清河共室孝王入朝

見景帝欣持乘輿駟馬迎梁王於關下入則侍帝同輦出則同車遊獵梁之侍中郎謁者著藉引出入天子殿門與漢官無異

張瑩漢南詩字曰孝和皇帝諱肇章帝中子也兄慶為皇太子母被謗死慶為清河子帝年四歲代為太子而特親慶入則共

安生史記

室出則同車章帝以此更哀
許荆解劍 李鴻刻印

後漢書曰許荆兄子常報讎殺人怨家會衆操兵至荆家欲殺
之會荆始從府休歸與相遇因出門解劍長跪曰前無狀相犯

咎皆在荆不能相教兄既早沒一子為嗣如全死者傷其滅絕
今願殺身代之塞咎雖死已往猶謂更生怨家扶起荆曰許掾

部中稱為賢吾何敢相侵因遂委去又曰李鴻字奉遜體性仁
孝友于兄弟弟育為人所侵辱育後陰結客報怨為執法吏所

得當伏罪時未有立嗣鴻為大尉掾在京師傷育以義刷耻門
戶斷絕因分代育遂刻印還歸欲過家恐見妻子虧移其意到

縣北亭預佐記乞代育通記便 孔融爭死 冷平讓生
飲鴆而死縣令省記怛然驚感

司馬彪續漢書曰山陽張儉以忠正為中常侍侯覽所忿疾覽
為刑章下州郡召捕儉儉與孔融兄褒有舊亡投遇褒出時融

年十五六少之不下告也融知儉長者有窘迫色謂曰吾獨不
能為君主平因留舍藏之後以客發洩覺知國相已下密就掩

儉得脫走登時收融及褒送獄融曰保納藏舍者融也融當坐
之重曰

縣疑不能決乃上讞詔書令褒坐馬融山是著名崔鴻南燕錄
曰有司奏沙門僧智夜入臨淄人冷平舍淫其寡嫂李氏平與

弟安國殺之郡縣按平兄弟以殺人論 棟華 荆葉 毛詩
而平國各引王殺讓生競死義形急難

棣之華鄂不韡韡凡今之人莫如兄弟死喪之戚兄弟孔懷周
景式孝子傳曰古有兄弟意欲分異出見三荆同根接葉連陰

歎曰木猶欣聚况我 陰慶推第 李孟讓園 張瑩漢南
而殊異哉還為雍和 記曰陰慶

為鮑陽侯其弟貞及丹皆為郎慶以明尚書修儒術推居第園
田奴婢錢悉分與貞丹慶但佩印綬而已當代稱之陳壽益部

耆舊傳曰李孟元脩易論語大義略舉質性恭順與叔子就同
居就有痼疾孟元推所有田園悉以讓就夫婦紡績以自供給

萌肥 禮瘦 東觀記曰倪萌字子明齊國臨淄人也仁孝
敦篤不好榮貴常勤身田農遭歲倉卒兵革

並起人民餒餓相啖與兄俱出城採蔬為赤眉賊所得欲殺啖
之詣賊叩頭言兄年老羸瘠不如萌肥健願代兄賊義而不啖

又曰趙孝字長平沛國蘄人王莽時天下亂人相食孝弟禮為
餓賊所得孝聞即自縛詣賊曰禮久餓羸瘦不如孝肥餓賊大

餓賊所得孝聞即自縛詣賊曰禮久餓羸瘦不如孝肥餓賊大

驚並放之壽子載旌 姚萇授馬 左傳曰衛宣公烝於夷姜生急子屬諸左公子為之

娶於齊而美公取之生壽及朔宣姜與公子朔構急于公使諸齊使盜待諸華將殺之壽子告之使行不可及行壽子飲以酒

載其旌以先盜殺之崔鴻後秦錄曰姚襄與李歷戰馬中流矢死弟萇下馬以授襄襄曰汝何以自免萇曰兄濟此豎子安敢

言萇會救至俱免死 陟岡 在原 毛詩曰陟彼岡兮瞻望兄兮又曰鷓鴣在原兄弟急難 盧

毓養寡 山偉訓孤 漢書曰盧毓字子家涿郡人也父植有名於時毓十歲而孤過本州

亂二兄死難當袁紹公孫瓚交兵幽冀屬年荒養嫠孤兄子以學行稱魏收後魏書曰山偉弟少亡偉撫寡訓孤同居二十餘

年恩義甚篤不營產業 王商推財 上式分產 漢書曰王商字

子威涿郡蠡吾人也商為太子中庶子以肅敬敦厚稱父薨商嗣為侯推財以分異母諸弟身无所受又曰卜式河南人也是

田畜為事有少弟式脫身出獨取羊百餘口田宅財物與弟式入山牧十餘年羊致千餘頭買田宅而弟盡破其產式輒復分

肱同被 李充易衣 維彭城廣威人也其兄弟三

人 以孝行著肱年最長與二弟仲季同被卧甚相親友杜預汝南記曰李充兄弟六人貧无擔石之儲易衣而出并日而食

其妻竊謂充曰今貧如是我有私財可分異獨居人多費極无為空自窮也充請呼諸隣里室家相對前跪舉觴告其母便顧

其妻叱而遣之 趙孝食蔬 魏霸服糲 東觀漢記曰趙孝字長平沛國蘄人

也建武初天下新定穀食尚少孝得穀炊將熟令弟禮夫妻使出比還孝夫妻共蔬食如菜禮夫妻歸告言已食輒獨飯之謝

承後漢書曰魏霸字高卿濟陰人為鉅鹿太守臨郡終不遣吏歸鄉里妻子不到官舍常念兄嫂在家勤苦已獨尊樂故常服

糲糲不食魚肉之味婦親蠶桑子躬耕與 陳業灑血 徐

苗令癰 謝承會稽先賢傳曰陳業字文理業兄度海傾命時依止者五六十人骨肉消爛而不可辨別業仰皇天

誓后土曰聞親戚者必有異焉因割臂流血以洒骨上應時致血餘皆流去王隱晉書曰徐苗字叔胃高密淳于人也輕財重

義行人所難者兄及小弟早卒鞠養孤寡隱幼口腹及與妻子
兄弟客居四十餘年田宅奴婢推之孤姪弟亡臨殯口中
潰膿血含去之其行事類皆如此也**分甘美**同衣食
東觀漢記曰孔奮篤骨肉弟奇在維陽為

諸生分祿俸以供給其糧用四時送衣下至脂燭每有所食甘
美輒分減以遺奇江徽陳留志曰李銓平丘人也少聰慧有至
行銓兄前母子後母甚不愛也而衣食皆使下銓銓始年五歲
覺已衣服勝兄即脫不着須兄得已同然後服之其母遂不得
有偏及長銓內曲順母外奉其詩**小雅棠棣詩**棠棣之

兄故閨門雍睦為群族所稱
鞞鞞凡今之人莫如兄弟死喪之威兄弟孔懷原隰哀
矣兄弟求矣鵲鳩在原兄弟急難每有良朋况也永嘆
士龍答兄士衡詩悠遠途可極別促怨會長銜思戀行邁
與言在臨觴南津有絕濟北渚河无梁

神往同逝感形流悲參商讚**隨辛德源姜肱讚**姜肱
衡軌若殊迹牽牛非服箱
昆季遺榮同衾協好比德齊聲戰勝澹雅
而悅嘉遜以貞孤舟直邁卷跡滄溟
東晉庾統三人讚

式微**三**立離會嬰鳴避垢同集
詩詠張仲今也朱明輶財敷女衣不表形
寡妻屏穢棠棣增榮臣尉淵然醜類感誠
朱明張臣尉讚

恭敬第六敘**論語曰恭近於禮遠耻辱也禮記**

曰中正無邪禮之質也莊敬恭順禮之制也昔

者魯哀公問孔子曰何以敬身對曰君子過言則

人作辭過動則人作則君子言不過辭動不過則百

姓不令而敬恭如是則能敬其身能敬其身則

能成其親又禮記少儀曰賓客主恭祭祀主敬

敬恭之道不可廢也左傳曰正考父佐戴武宣

敬恭之道不可廢也左傳曰正考父佐戴武宣

三人皆 **三命慈益恭** 三命故其鼎銘曰一命而僂

再命而僂 三命而俯 **三命而俯** 俯恭於僂 **循牆而走** 言不敢 **亦**

莫余敢侮 其恭如是人 **論語曰樊遲問仁子曰居**

處恭執事敬與人忠雖之夷狄不可棄也 夷狄雖無知猶

當以恭 **魯國先賢傳曰魯有恭士者名曰汜行年**

七十其恭益甚冬日行陰夏日行陽一食之間

三起魯君問曰子年甚長矣何不釋恭汜對曰

君子好恭以成其名小人學恭以除其刑譽人

者少惡人者多行年七十常恐斧鑕之加於汜

者何釋恭焉 **思齊** 文王之母鄭玄注

文王之母常思莊敬者太任也禮記曰祭之日入室儼然必有

見乎其位周還出戶肅然必有聞乎其容聲出戶而聽愾然必有

有聞乎嘆息之聲是故先王之孝也色不忘乎目蹙不絕乎耳

心志嗜欲不忘乎心致愛則存致慈則著著存不忘乎心夫安

得不敬乎君子生則敬養 **詩美温温** **雅稱翼翼** 毛

死則敬享思終身弗辱也 **敬以免禍** **恭以**

曰温温恭人如集于木惴惴小心如 **存位** 禮記云鄉飲酒之義主人拜迎賓于門之外入三揖而

後至階三讓而後升所以致尊讓也盥洗揚觶所以致 **服** 志冠 **正** 虞豫會稽典錄曰陳瑞字文象為縣卒瑞謙恭敬

看皆正朝服與之抗礼若疾病不能答拜輒捐類以謝之左傳

曰楚子狩于州來次于穎尾使蕩侯潘子司馬督囂尹午陵尹

喜帥師圍徐以懼吳楚子次于乾溪以為之援雨雪王皮冠秦復陶翠被豹舄執鞭以出僕圻父從右尹子革夕王見之去冠被舍鞭杜預注

遽瑗下門

韓卓趨社

孟儀同載曰衛靈公時遽

伯玉為人恭儉篤禮夜行過公門必下靈公嘗與夫人夜坐有車當闕无声公謂夫人曰知車為誰夫人曰必遽伯玉也何以言之伯玉衛之薦礼者也夫礼下公門式路馬今車當闕无声是下門也非伯玉誰能闔行而不廢礼公使問之果是又江微

陳留志曰韓卓敦厚純固恭而多愛博學洽

尚賢

敬老

孔叢子曰定公問曰周書所謂庸庸祗祗威威何謂也孔子對曰不失其道明之於人之謂也夫能用可用則能致理矣敬可敬

則能尚賢矣史記曰魯懿公弟稱肅恭明神敬

正巾

歛衽

事耆老賦事行刑必問於遺訓而咨於故實也

習鑿齒襄陽耆舊傳曰龐公躬耕妻子相待如賓休息則正巾端坐梁祚魏國統曰山濤字巨源少有大量在總角之中耆老

趙盾假寐

茅容危坐

左傳曰晉靈公不君箕踞歛衽

使細廣賊之晨往寢門闢矣盛服將朝尚早坐而假寐廣退數而言曰不忘恭敬民之主也賊民之主不忠弃君之命不信遂

觸槐而死謝承後漢書曰茅容字季偉陳留人也年四十餘耕於野時與等輩避雨樹下眾皆箕踞相對容獨危坐愈恭郭林

宗見而

歌

魏文帝樂府短歌行

山不厭高海不厭深周公吐哺天下歸心

魏陳思王筮篥引

置酒高殿上親友從我遊中厨辦

我義所尤謙謙君子德馨折德何求

詩

宋鮑明遠還舊廬詩

蕭裝屬廬旅奉鞠承

未塗嚴恭履桑梓加敬覽粉榆

聰敏第七

事

史記云人所以尚于將鎮耶者貴

於立斷也所以尚騏驥者為其立至也必若歷

日曠久絲整猶能挈石駕馬亦能致遠是以聰

明敏捷人之美材也劉劭人物志曰夫聖賢之所美莫美於聰明聰明之所貴莫貴於知人知人誠智則衆材得其序而庶績之業興矣是故堯以克明俊德爲稱舜以登用二八爲功湯以扶有莘之賢爲名文王以舉渭濱之叟爲治由是論之聖人之爲治孰不勞聰明於求人獲安逸於任使說苑云昔黃香字文強江夏人博覽傳記群書無不涉獵京師號曰天下無雙江夏黃童後魏書曰後魏元順字子和任城王澄之

子年九歲師事樂安陳豐晝夜誦書旬有五日一皆通利豐奇之白王曰豐十五從師迄于白首耳目所經未見此比江夏黃童不得無雙也王笑曰藍田生玉何容不爾王瑱之童子傳曰近代有樂安任嘏者十二就師學不再問一年通三經鄉人歌曰蔣氏翁任氏童言蔣氏之門老而方篤任家之學幼而多慧魏志曰王粲善屬文舉筆便成無所改定人常以爲宿構

知十

應五

論語曰孔子謂子貢曰汝與回也孰愈對曰賜也何敢望回回也聞一以知十史記曰淳

事對

于見見鄰忌說畢趨出面其僕曰是人吾語默識響應

之微言五其應我若響之隨聲是必對不久默識響應

陳壽益部耆舊傳曰趙閱字溫柔幼時讀尚書默識其音句

又孔融薦祢衡表云安世默識響應事已見上應五注中

果題酪劉劭幼童傳曰楊氏子者梁國人也九歲甚聰慧

梅指以示兒此君家果兒即荅曰未聞孔雀是夫子家禽劉義

慶說苑人餉魏武嘗訖題酪器上為合字以示眾眾莫之解次

至揚脩脩便噉之公問之人皆遙過鄉誦千言賦一物

何獨餐脩曰公教人一口復何疑也

劉劭幼童傳曰夏侯榮字幼權沛國譙人也幼聰慧七歲能屬

文誦書日千言經日輒識之張衡文士傳曰吳郡張純少有令

名嘗謁鎮南將軍朱據據令賦五行並下一字不遺

物然後坐純應聲便成文不加點

謝承後漢書曰應奉讀書五行並下魏收後魏書曰祖瑩字元

珣范陽人十二為中書學生博士張天龍講尚書選為都講生

徒悉集瑩夜讀書勞倦不覺天曉誤持同房生趙郡李

李怡曲禮卷上座置禮於前誦尚書三篇不遺一字校亡

書比缺字漢書張安世字子孺小小以父任為郎用善書

唯安世識之具作其事後購求得以相校一字无遺失上奇其

才擢為尚書令謝承後漢書曰祢衡與黃祖子射尤善衡與俱

讀蔡邕所作碑文射愛其文恨不寫取衡謂射曰吾雖一遇猶

識其言其缺兩字不明因書出之射寫還比校皆无所誤唯兩

字缺詩吳郡張純少有清才與同郡張儼朱異俱

童少往見驃騎將軍朱據據聞三人才名欲試

之曰今三賢屈顧老鄙渴甚矣其為吾各賦一

物然後乃坐純曰驀裏以迅驟為工鷹隼以輕

疾為妙何必積思皆隨目立成據大歡悅純賦

席曰席為冬設簾為夏施儼賦犬曰守則有威出則有獲

揖讓而坐君子攸宜韓獝宋鵠書名竹帛

韓獝宋鵠書名竹帛

異賦弩曰

南岳之榦鍾山之銅

序

魏禰衡鸚鵡賦

序

時黃祖太子射賓客大會於獻鸚鵡者舉酒於衡前曰祢衡士今日无用娛賓竊以此鳥自遠而至明惠聰善羽族

之可貴願先生為之賦使四座咸共榮觀不亦可乎衡因為賦筆不停綴文不加默

初學記卷第十七

初學記卷第十八

人部中

師一

交友二

諷諫三

貴四

富五

貧六

離別七

師第一

叙

禮記曰凡學之道嚴師為難師嚴然

後道尊道尊然後民知敬學是故君之所不臣

於其臣者二當其為尸則弗臣也當其為師則

弗臣也太學之禮雖詔於天子無北面所以尊

師也善學者師逸而功倍又從而庸之不善學者師勤而功半又從而怨之穀梁曰魯昭公云子既生不免於水火母之罪也成童不就師傅父之罪也就師學問無方心志不通師之罪也老子曰善人不善人之師孔子曰三人行必有我師焉釋名曰古者稱師曰先生魏志曰荀攸字公達魏文帝在東宮時太祖謂曰荀公達人之師表汝當盡禮敬之攸嘗病太子問病獨拜牀下其見尊異如此諺曰三歲擇師楊子法言

曰務學不如務求師師者人之模範也孫卿子曰師術有四尊嚴而憚可以爲師耆艾而信可以爲師誦說不凌可以爲師知微而論可以爲師又曰干將鑊耶巨闕辟閭古之良劍也然而不加砥礪則不能利不得人力則不能斷驊騮騏驎織離綠耳此皆古之良馬也然而必前有銜轡之制後有鞭策之威加之造父之御然後一日而致千里夫人雖有性質美而心辯智必將求賢師而事之擇良友而友之夫達師之教

也弟子安焉樂焉休焉游焉肅焉嚴焉此六者

得於學則邪僻之道塞矣此六者不得於學則

君不能令於臣父不能令於子師不能令於徒

事

函杖

束脩

禮記曰凡講問席間函杖函容也容杖足以指畫論語曰自行束脩以上

吾未嘗

桓榮東嚮

王祥南面

東觀漢記曰明帝即位尊桓榮以師禮帝幸太

常府令坐東面設几杖會百官工隱晉書曰魏高貴鄉公之入學也將崇先典乃命王祥為三老侍中鄭小童為五更祥南面

几杖以師道自居帝北面乞言

模範

表儀

楊雄法言曰務學不如務求師師者人之模範也韓詩外

傳曰智如泉源行可以為表儀者人之師也

叩鐘

鳴鼓

禮記曰善待問者如撞鐘叩之以小者則

小鳴叩之以大者則大鳴待其從容然後盡其聲不善答問者反此謝承後漢書曰董春字紀陽會稽餘姚人少好學師事侍

中祭酒王君仲受古文尚書後詣京房授易究極聖旨條列科

義後遷師立精舍遠方門徒學者常數百人諸生每升講堂鳴

鼓三通橫經捧

在二

有四

崔鴻後秦錄曰初姚泓之為太子受經於太學博士淳于

歧歧病在家泓以師者人之表範傳先聖之訓加在三之義不

可以以不重親詣省疾拜於牀下孫卿子曰師有四術而傳習不

與**主善**

司成尚書曰德死常師主善為師禮記曰樂正司業父師司成一人元良萬邦以貞世子

之謂也鄭玄注曰司主也又曰大司成論說在東序凡侍坐於大司成者遠近間三席可以問也

坐帷誦

書

隔幔講禮東觀漢記曰張奐使匈奴休屠及朔方烏桓並同反叛遂燒度遼將軍門引毛赤坑

烟火相望兵衆大恐各欲亡去奐安坐帷中與弟子誦書自若

對曰周官禮注未有其師韋逞母宋氏傳其父業得周官音義

自非此母无可授後生於是就宋立講室書堂生徒百二十人

爵號宣文君賜侍婢十人

循循

濟濟

論語顏回曰夫子循循然善誘人博

我以文約我以禮欲罷不能潘岳閑居賦曰兩學齊列 北海

西河

後漢書曰鄭玄字康成北海人也玄好學日夜討論未嘗怠倦學徒相尋數百千人因相孔融深敬玄特

立一鄉曰鄭公鄉廣其門曰通德門初師事馬融質諸疑義問

明曾子予之曰吾與汝事夫子於洙泗之間退而老於西河之

也 築宮 架廟

史記曰鄒子如燕昭王擁篲先駢請列弟子之禮而授業築碣石宮身親往師之千

寶搜神記曰介琰者不知何許人也吳先主時從此來云從其

師自羊公入東海琰與吳主相聞吳主留琰乃為琰架宮廟一

博喻

論語顏回曰夫子循循然善誘人禮記曰君子知至學之難易而知其美惡然後能博喻能博喻然後能

如壯年吳主欲學術琰以帝常多內御積月不教也 **善誘**

徵士周勣於東陵立 **彥真沉靜** 女覽純和 錄曰劉續

字彥真平原人也經學博通為世純儒貞清非禮不動慕容皝

重其德學使太子晃師事之魏收後魏書曰梁越字玄覽新興

人也少而好學博綜經傳无所不通性 **聘玉帛 加金紫**

淳和焉信信行无擇魏初為禮經博士 **賦 晉潘岳閑居賦**

江微陳留志曰婁望字次子雍丘人也少受春秋於少府丁子

然以節操稱建武二十八年趙孝王聞其名遣大夫賈玉帛聘

望為師望不受徐愛書曰武帝登祚 **漢班固西都賦** 命天執

教元常師道在則是故賢士投級 **詩 應璩百壹詩** 子弟可不慎慎在選

名儒師傳講論乎 **序 後漢蔡邕郭有道碑序** 先生諷膺天衷聰睿明

六藝稽合乎同異 **晉傅玄太子少傅箴** 金木无常方圓應形

才可 **序 後漢蔡邕郭有道碑序** 哲孝友温恭仁篤慈固

貞固足以幹事隱括足以矯時遂考覽六經探綜圖緯周流華夏隨集帝學故拯文武之將墜拯微言之未絕于時纓綬之徒紳佩之士望形表而影附聆嘉声而響和者猶百川之歸巨海鱗介之宗龜龍也尔乃潜隱衡門收朋勤誨童蒙賴焉用祛其蔽州郡聞德虛已備禮莫之能致羣公休之蔡邕文範先遂辟司徒掾又舉有道皆以疾辭文不具錄

生陳仲弓碑序

夫其仁愛溫柔足以孕育郡生廣大寬容足以包覆无方剛毅強固足以威暴矯邪

正身體化足以陶冶士心先生有此四德故言斯可法行斯可樂動斯可象靜斯可恂是以邦之子弟遐方後生莫不同情瞻仰由其模範從其趣嚮戾很思和爭訟化讓雖嚴君猛政迫以刑戮未若先生潛導之速

交友第二

叙毛詩序曰伐木燕朋友故舊也自

天子至于庶人未有不須友以成者也魏文帝集論曰夫陰陽交萬物成君臣交邦國治士庶

交德行光同憂樂共富貴而友道備矣易曰上

下交而其志同由此觀之交乃人倫之本務王

道之大義非特士友之志也白虎通曰朋友之

道有四近則正之遠則稱之樂則思之患則死

之楊子法言曰朋而不心面朋也友而不心面

友也說苑曰魏文侯歎田子方曰自友子方也

君臣益親百姓益附吾是以知友士之功焉家

語曰夫内行不脩身之罪也行脩而名不彰友

之罪也故君子入則篤行出則友賢禮記曰君

子之交淡如水小人之交甘若醴君子淡以成
小人甘以壞論語曰君子以文會友以友輔仁
韓詩外傳曰昔鮑叔有疾管仲爲之不食不內
漿甯戚患之管仲曰生我者父母知我者鮑子
士爲知己者死馬爲知己者良鮑子死天下莫
吾知安用水漿雖爲之死亦何傷哉後漢書曰
李燮字德公所交皆捨短取長好成人之美時
潁川荀爽賈彪雖俱知名而不相能燮並交二
子情无適莫世稱其正魏志曰胡質云古人之

交也取多知其不貪奔北知其不怯聞流言而
不信故可終也江表傳曰吳有程普者頗以年
長數凌侮周瑜折節容下終不之校普後自
敬服而親重之乃告人曰與周公瑾交若飲醇
醪不覺自醉風土記曰越俗性率朴初與人交
有禮封土壇祭以犬鷄祝曰卿雖乘車我戴笠
後日相逢下車揖我步行卿乘馬後日相逢卿

當下**書對**同心 **合志**
周易曰二人同心其利斷金
孔叢子曰儒有合志同方營

道同 術 **父敬** **益親**
論語曰晏平仲善與人交久而敬之家
語曰自季氏賜我千鍾而交益親也

安生皮第
勿學已卷下
六

攝儀 **糾德** 毛詩曰朋友攸攝攝以威儀周禮曰司諫糾萬民之德而勸之朋友 **彈冠**

結綬 漢書曰王吉與貢禹為友代稱王陽在位貢公彈冠言其取捨同又曰蕭育與朱博為友著聞當代長安語曰

蕭朱結綬王貢彈冠言相薦達也 **刎頸** 漢書曰陳餘年少父事張耳相與為刎頸之交張與

與延叔堅書曰吾與叔堅剖心相知豈以流言相猜耶 **解帶** **披衿** 周祗執友箴曰落落喬松遼遼

莊惠解帶一遇道映萬代王智深宋紀曰孔淳之隱居剡山嘗遇桑門釋法崇於三山披衿領契自以為得意之交 **同**

生借死 傳幹與張叔威書曰吾與足下義結結素恩比同生吳志曰吳範與魏滕相善交滕常有罪吳王責

怒有諫處死範謂滕曰與汝借死諫得免矣 **兩龔二仲** 漢書曰兩龔皆楚人滕字君賓舍字君倩

二人相友著名節故時號為楚兩龔趙岐三輔決錄曰蔣詡字元卿舍中三逕唯羊仲求仲從之遊二仲皆推廉逃名 **金**

蘭松竹 周易曰二人同心其利斷金同心之言其臭如蘭

詩致樂推誠歲寒功標松竹 **投分** **推誠** 潘岳詩曰投分寄名友白首固所歸謝承後漢書曰王嬰

字仲豪與同郡范巨卿為友其與友交推誠據信不負言誓 **忘年** **得意** 張隱文士傳曰祢衡有逸

才少與孔融交時衡未滿二十而融已五十敬衡才秀忘年殷勤得意見披襟注 **伯牙絕絃** **郢**

人運斤 伯牙絕絃見琴流水注莊子曰莊子送葬遇惠子之墓碩謂從者曰郢人墜墁者其鼻端若蟬翼使匠石

斲之匠石運斤成風聽而斲之盡墜而鼻不傷郢人立不失容元君聞之召匠石曰當為之匠石曰臣則嘗斲之雖然臣質死

久矣自夫子之死 **揔角** **撫塵** 何盛晉中興書曰庾翼與桓溫友善在揔角之中便

吾無以為質矣 **想期** 以終始東方朔與孫弘書曰蓋聞爵祿不相責以禮同類之遊不以遠近為故是以東門先生居蓬戶空穴之中而魏公

子一朝以百騎尊寵之呂望未嘗與文王同席而坐一朝讓以天下半夫大夫相知何必以撫塵而遊垂髮齊年偃伏以日數

神交 **冥契** 袁宏山濤別傳曰陳留阮籍譙國嵇康並高才遠識少有陪其契者濤初不識一與

相遇便為神交劉義慶世說曰支道林喪法度之後精神實喪風味轉墜謂人曰冥契既逝發言莫賞中心蘊結余其亡矣去後數年支遂殞歿

莫逆

忘言

莊子曰子祀子輿子黎子來四人相與語曰孰能知死生存亡之體

者吾與之友四人相視而笑莫逆於心遂相與為友又白蹄所以得免而忘蹄筌所以在魚得魚而忘筌言所以在意得意而忘言

尹班

荀李

東觀漢記曰尹敏字幼季與班彪相厚每相與談常對案不食晝即至冥夜即

徹明司馬彪續漢書曰李膺性簡亮無所交接唯以同郡荀淑陳寔為時友

子高抗手

楊政

把臂

孔叢子曰子高遊趙平原君客有郇文節與子高相友善及將還魯諸故人訣既畢文節行三宿臨別文節流涕

交頸子高徒抗手而已東觀漢記曰揚政嘗過馬武稱疾見政對几據牀欲令政拜牀下入戶前排武徑上牀坐武帳言語不擇政因把臂責之曰卿蒙恩稱蕃臣不思求賢報國而驕天下英俊會信陽侯至責數武合為朋友也



古

善哉行

月沒參橫北斗闌干親友在門忘寢與食

梁蕭鈞晚景遊泛懷友

詩

龍門依御瀟鳳轄轉芳洲雲峯初辨夏麥氣早迎秋山翠餘烟積川平晚照收浪隨文鷁轉度逐杉鴛浮風花轉未

落巖泉咽不流一辭金谷苑空想竹林遊

箴周祗父箴

人亦有言貴則易交利重太山道輕鴻毛

久而益敬見之晏平霜雪既至勁栢冬青

碑晉孫楚帝招碑

君與劉倫少長河朔英雄

同契為刎頸之交非常為時所忌每自酌損在乎季孟之間友也審辨真偽明于知人度終始而後交情不踈而親親

漢蔡邕貞定直父碑

其接

諷諫第三

事

白虎通曰諫者間也更也是非相

間革更其行也人懷五常故知諫有五其一曰

諷諫二曰順諫三曰闕諫四曰指諫五曰陷諫

諷諫者智也知患禍之萌睹其未然而諷告焉

順諫者仁也出辭遜順不逆君心闕諫者禮也
視君顏色不悅且却悅而復前以禮進退指諫
者信也指者質也質相其事陷諫者義也言國
之害忘生為君不避喪身故孔子曰諫有五吾
從於諷諷也者謂君父有關而難言之或託興
詩賦以見乎詞或假託他事以陳其意莫有所
悟而遷於善諫也者謂事有不當指而言之上
至君父下及朋友論之不疑必有所益故孔子
稱君有爭臣父有爭子士有爭友此之謂也尚

書曰每歲孟春道人以木鐸徇于路官師相規
工執藝事以諫其或不恭邦有常刑又惟木從
繩則正后從諫則聖禮記曰父母有過下氣怡
色柔聲以諫諫若不入起敬起孝悅則復諫又
事君欲諫不欲陳陳謂言過於外又父母有過諫而不

逆孔子曰事君遠而諫則譎也近而不諫則尸

利也頌子曰不諫則危君諫則危身是賢人君子**事對饋**

歎飲歌左傳曰魏獻子為政梗陽人以獄上其大宗絜以

之比置三歎既食使坐魏子曰唯食忘憂吾子三歎何也同辭
對曰饋之始至恐其不足是以歎曰豈有將軍食之而不足是

以再歎及饋之畢曰願以小人之心屬馱而已獻子
遂辭梗陽人晏子春秋曰景公起大臺歲寒役之東餒者鄉有
焉公延晏子坐飲酒樂晏子歌終喟然流涕
公止之曰子殆為大臺之役寡人將罷之
后聖見叙事漢書曰薛廣德字長卿為御史大夫直言諫爭上
出便門欲御樓船廣頓首曰宜從橋上不悅光祿大夫張孟進
曰臣聞君聖臣直乘船
危就橋安上乃從橋

當車 **扣馬**
尚書洪範五行傳曰
昌邑王賀為帝天陰

七日晝夜不見日月賀欲出行光祿大夫夏侯勝當車諫曰天
父陰不雨臣下有謀上者陛下欲何之史記曰趙肅侯遊大陸
出於鹿門大戊午扣馬諫曰耕事方急肅侯下車而謝之又崔
鴻前秦錄曰符堅如鄴狩于西山令人王洛扣馬而諫乃止

汗輪 **折檻**
漢書曰薛廣德字長卿為御史大夫直言諫
首曰宜從橋陛下不聽臣臣自刎以血汗車輪漢書成帝時朱
雲上疏求見公卿在前雲曰願賜上方斬馬劍斷佞臣一人願
以厲其餘因指言張禹上大怒曰庭辱師傳死罪不赦御史將
雲下雲攀殿檻呼曰臣得下從龍逢比干遊於地下足矣

左將軍辛慶忌扣頭流血諫曰此臣素任直使其言非固當
容之上意解及當修檻上曰勿易之因而葺之以旌直臣

逆耳 **拂心**
史記曰沛公入秦宮室惟張狗馬珍寶婦女
以千數欲留居之樊噲諫沛公出舍沛公不

聽張良曰忠言逆耳利於行良等苦口利於病願聽樊噲會言沛
公乃還灞上漢書曰哀帝時杜欽諫曰臣竊有所憂言之拂心
逆耳不言則日漸長為禍不細臣聞玩色不厭
必生好憎之心好憎之心生即愛寵偏於一人

三責 **五**
失
晏子春秋曰景公遊公阜望齊國曰嗚呼古而無死何如
晏子曰古而無死則公將有齊國公不悅無幾梁丘據乘

六馬公曰據與我和乎晏子曰此同也公作色無幾公使穰苴
星晏子曰教也若受諫賢聖彗星將亡公色不悅及晏子卒
出位屏而泣曰昔夫子一日三責我今孰責寡人乎王隱晉書
曰齊王問輔政歲餘驕矜多過鄭方諫曰今王安不慮危耽于

酒色其失一也大王檄命當使天下穆如清風今則不然其失
二也四夷交侵不聞大王賑救之令其失三也又與義兵論功
未息其失五也固舍忍曰孤不能以
致五闕若无子則終不聞孤之過也

斷鞅 **攬轡**
周斐汝
南先賢

傳曰建武八年車駕西征隗囂郭憲諫曰天下初定車駕未可
以動憲乃當車拔佩刀以斷車軼帝不從遂上隴其後獲川兵
起迴駕而還帝歎曰恨不用光祿之言段龜龍西涼記曰呂纂
斬馳游獵或馬奔溝塹之間殿中侍御史王回控馬諫曰陛下
宜憶袁盎

盡言 **開說** 劉向說苑曰有能盡言於君用則
攬轡之言 留不用則去謂之諫也魏志曰明

帝時百姓凋匱而役務方殷衛顛上疏曰非破家為
國殺身成君者誰犯顏色觸忌諱建一言開一說哉 **犯顏** 逆

逆意 范曄後漢書曰鉅期重於信義在朝廷憂國愛主其有
不得於心必犯顏諫爭魏志曰明帝時百姓凋匱而役

務方殷衛顛上疏曰順顏者愛所由生逆意者惡所從至故人
皆順顏而避逆意又桓範世要論曰揣人之耳逆人之意不為

諫 **屏几改容** **免冠頓首** 崔鴻前京錄曰張駿謙群寮
議欲嚴刑峻制眾咸以為宜

參軍黃斌進曰臣未見其可尊親犯令即令不行矣駿性嚴猛
乃屏几改容曰微黃生吾不聞過矣可謂忠之至也范曄後漢

書曰鉅期有不得於心必犯顏諫爭帝嘗出期免冠頓首車前
曰古今之戒變不意而成不願陛下微行

謝偃惟皇誠德賦 惟皇王之迭代信步魏之殊規
是以戰戰慄慄日慎一日守幼守儉去奢去逸外無荒禽內無

荒室惟賢是授惟民斯恤則四皇不足五帝不足六若夫恃
智驕力狼戾倔強忠良是弃諂佞斯獎構崇臺以造天穿深池

而絕壤厚賦重役積寶藏鏹無罪加形有功不賞則夏桀可二
殷辛

詩 **漢章孟諷楚元王四言詩** 邦事是廢逸遊是
易兩 娛犬馬悠悠是放

是駢所弘匪德所親匪俊唯囿是恢唯諫是
信嗟哉我王漢之睦親曾不夙夜以休令聞 **魏應璩百壹**

詩 室廣致疑陰臺高來積陽奈何季代人侈靡在宮牆
飾巧無窮極土木被朱光徵求傾四海雅意猶未康

貴第四 **說文云貴者歸也謂物所歸仰汝穎**

言貴聲如歸往之歸抱朴子曰貴游子弟生乎

婦人之手憂懼未嘗經心或未免襁褓而加青

紫之秩纔勝衣冠而居寵榮之位專生殺之威
操黜陟之柄誠可畏矣戰國策曰田需貴於魏
王惠子曰勉哉夫楊橫樹之則生折而樹之亦
生然十人樹之一人拔之則無楊矣且以十人
之衆樹易生之物然而不勝一人者何也樹之
難而去之易今雖自樹於王而欲之者衆子必
危矣史記李斯歎曰吾聞荀卿有云物禁太盛
吾昔上蔡布衣今人臣之位無居其上者可謂
富貴極矣物極則衰吾未知所稅駕也荀伯子

荀氏家傳曰惟我之先至于有晉人物盈朝
衣暉暉六代九公不亦偉乎磊落瓌竒光照六
合中興丞相王公歎曰勛已後榮寵莫二為天

下貴門矣 **事對** 七葉 五侯 左思詠史詩曰金張籍
舊葉七葉珥漢貂漢書

曰成帝封舅譚為平阿侯商為成都侯立為江陽侯根為
曲陽侯逢為高平侯五人同日封世謂之五侯榮貴絕代 **金**

張 **耿** **鄧** 漢書曰功臣之家唯有金氏張氏親近貴寵比於外
戚又曰金日磾勒功上將傳國後嗣七葉內侍何

其盛也東觀漢記曰耿氏自中興以後迄建安之末大將軍二
人九卿十三人遂與漢盛衰又曰鄧氏自中興後累葉貴寵莫

與為 **三主** **五公** 東觀漢記曰耿氏自中興以後迄建安
之末尚公主三人列侯十九人中郎將

護差校尉及刺史二千石數百人司馬彪
漢書曰袁安桓帝初遷太尉四葉五公 **許** **史** **梁** **竇** 漢

曰許嘉為大司馬車騎將軍又曰史丹男九人皆以丹仕為侍
 中自宣元成哀外戚與者許史三王下傳之家皆重侯累將窮
 富極貴謝承後漢書曰梁氏在位二十餘年窮極滿盛威行內
 外百僚側目莫敢違命東觀漢記曰章帝崩竇太后臨政竇憲
 為大將軍食邑二萬戶弟景執金吾瓌將作大匠光祿勳
 稍遷至主爵都尉南趙反拜為樓船將軍有功封梁侯因歸家
 懷銀黃垂三組以誇鄉里組綬也史記曰蘇秦洛陽人也師於
 鬼谷先生後得周書陰符讀之以出揣摩因說六國以秦為從
 約長并相六國各佩其印行過洛陽重騎輜重諸侯各發使送
 之甚眾擗於王者周王聞之恐懼除道使人郊勞於是散千金以賜宗族
一門三后 六葉九公
 謝承後漢書曰梁不疑子為潁陰侯胤子為城父侯冀一
 門三皇后六貴人二大將軍夫人女侯邑稱君七人尚公
 主三人其餘卿將尹校五十七人百僚側目莫敢違命六葉九公見叙事
 家方全盛之時乘朱輪者十人又劉向上封事曰今王
 一姓乘朱輪華轂者二十三人青紫貂蟬充盈內

彌巨 殿第相望

張璠漢記曰馬防兄弟貴盛大起第
 觀連閣彌巨東觀漢記曰竇融嗣子

穆尚內黃公主而融弟顯親侯竇友嗣子固尚沮陽公主穆長
 子勳尚東海恭王女竇氏一公兩侯三公主四二千石自祖至
 孫官府廐第相望奴婢千數雖親戚功臣莫與為比
詩 晉左思詠史詩 濟濟京城

侯君冠蓋陰四術朱輪竟長衢朝集金張
 館暮宿許史廬南隣擊鍾磬北里吹笙竽
古樂府詩 君家

知復難忘黃金為君門白玉為君堂堂上羅酒樽使作邯
 鄲倡中庭生奇樹華燈何煌煌兄弟兩三人中子為侍郎五日

一來歸道上自生光黃
 金絡馬頭觀者滿路傍
齊月鮑昭代京洛篇 鳳樓十二重

繡角金蓮花桂柱玉盤龍珠簾无隔露
 羅幌不勝風寶帳二十萬為爾一朝容
梁吳均贈周興嗣詩

吾賢當路者聲名振華夏朱輪玳瑁牛紫鞵連錢馬
 朝花舞風去夜月窺窻下想君貴易交居然應見捨

紹安贈蔡君詩 疇昔同幽谷伊爾遷喬木
 赫奕盛青紫討論窮簡牘
李伯藥寄

楊公詩

公子盛西京光華早著名分庭接遊士虛館待時英

鮑昭擬古詩

魯客事楚王懷金襲丹素既荷主人恩又蒙

華賔僕遠傾慕富貴人所欲道得亦何懼

富第五

事

夫貴者必富而富者未必貴也故士

之欲貴乃為富也然欲富者非為貴也從是觀之富人之所極願也故易曰富有之謂大業孔子曰富而可求雖執鞭之士吾亦為之如不可求從吾所好又曰富與貴是人之所欲不以其道得之不處也陽虎云為富不仁為仁不富家

語曰以富貴而下人何人不與以富貴而敬人

何人不親史記曰夫用貧求富農不如工工不

如商刺繡文不如倚市門此言末業貧者之資

也春秋左氏傳曰齊慶氏亡分其邑與晏子晏

子不受人問曰富者人所欲也何為不受對曰

無功之賞不義之富禍之媒也我非惡富恐失

富也說苑曰楚王問莊辛君子之富奈何對曰

君子之富假貸人不買也餘食人不使不役也

親戚愛之罪人善之不肖者事之皆欲其壽樂

不傷於患此君子之富也王充論衡曰楊子雲

作法言蜀富賈人齎錢十萬願載於書子雲不

聽曰夫富無仁義猶圈中之鹿欄中之羊也安

得妄載桓寬鹽鐵論曰人大富則不可以祿使

尚書五福二曰富**事對素封**丹穴記曰富者人之情性所不

學而俱顧者也今有无秩祿之俸適邑之人而比之者命**筭**

曰素封漢書曰寡婦清真先得丹穴而擅其利以致富焉

金量玉徐廣晉記曰王戎殖財賄家僮數百計筭金帛有

數億庭中起高閣歷衡石於其上以秤量珠玉

借車子請如願千寶搜神記曰有周華噴者貧

請以借之天公曰善又錄異傳曰廬陵歐明從貢客道經彭澤

湖每以舟中所有多少投湖中云以為積數年後復過忽見

湖中有大道上多風塵有數吏乘車馬來侯明云是青洪君使

要須史達見有府舍門下吏卒明甚怖吏曰无可怖青洪君感

君前後有禮故要君必有重遺君者勿取獨求如願耳明既見

青洪君乃求如願使遂明去如願者青洪君婢也明將歸所願

輒得數**金溝**錢井劉義慶曰王武子移第北芒下于時

年大富布地竟埒時人號曰金溝風俗通曰河南平陰龐儉遭蒼

卒之時隨母流轉客居廬中鑿井得錢千萬遂因得富**陶**

白程羅史記曰范蠡浮海出濟變名姓止于陶致貲累巨

萬天下稱陶朱公又曰白圭樂觀時變趨時若猛

獸鷺鳥之發漢書曰程鄭山東遷虜也治**積財如山**閉

鐵賈富埒卓氏又曰成都羅哀貲至巨萬**積財如山**閉

門成市王隱晉書曰石崇百道營生積財如**秦鐵**魏

奔晉其車千乘注曰景公母弟公子鍼史記曰穰侯魏舟

左傳曰秦后子有寵於桓如二君其母曰不出懼

後子

之富富 銅山 金穴 漢書曰上使善相人相鄧通曰當貧

於王家 道銅山得白鑄錢布天下東觀漢記曰郭况遷大鴻臚上 **卓**

數幸其第賜金帛甚盛京師号况家為金穴言其貴極也 **鄭** 史記曰卓氏因鐵冶富又曰程鄭富埒卓氏孔叢

猗陶 日猗頓大畜牛羊于猗氏之南資擬王公富於猗 氏故曰猗頓史記曰范蠡止陶 **輜車千乘 僮客萬人**

致貲累巨萬天下稱陶朱公 史記曰穰侯富於王家出關輜車千乘蜀志曰 **谷量牛馬**

廉竺字子仲祖業貨殖童客萬人貲產巨萬 **閣稱珠玉** 漢書曰烏孫保畜牧及眾斥賣求奇繒物間

牛馬秦始皇令保此封君烏氏縣名保其名也王子年拾 **漿** 遺記曰郭况庭中起高閣歷衡召於其上以稱量珠玉

酒 藿肉 漢書曰鮑宣上書曰奈何獨私養外親與幸臣董

賢多賞賜以千萬數奴從賓客漿酒藿肉蒼頭盧 **齊鮑昭清河頌** 士民殷富繁軼五陵

見皆用致 **論 梁劉孝標廣絕交論** 富埒陶白貲巨

貧第六 叙 **事** **呂忱字林曰窶貧空也孫卿子曰貨**

財粟米之於家少有者謂之貧至無者謂之窮

方言曰南楚人貧衣被醜敝謂之須 捷謂狎 **或**

謂之襍裂 襍裂衣壞 **或謂之藍縷** 左傳曰藍路 **顏**

延之庭誥曰富則盛貧則病甚矣貧之為病也

不唯形色麤厲或亦神心沮廢豈但交友踈弃

必有家人誚讓非廉潔深識者何能不移其植

故欲蠲憂患莫若懷古之志當自同古人見深

則憂淺識遠則患浮昔有琴歌於編蓬之中用

此道也毛詩曰出自北門憂心殷殷終窶且貧

莫知我艱又曰自我徂爾三歲食貧論語曰貧

與賤是人之所惡不以其道得之不去也又曰

貧而無怨難列子曰凡為名者必廉廉斯貧矣六極 十盜

尚書六極一曰凶短折二曰疾三曰夏四曰貧五曰惡六曰弱

太公六韜曰武王問太公曰夫貧富豈有命乎將治生不得其

意太公曰盜在其室計之不熟一盜收種不時二盜取婦无能

三盜養女太多四盜弃事就酒五盜衣服過度六盜封藏不謹

七盜井竈不便八盜舉息就利九盜无事燒火十盜安得富也 杼空 壁立 圭窬 革

空窬云譚无他貨唯絲麻耳今盡杼軸不作也漢書曰梁孝王薨司馬相如歸而家貧徒四壁立

戶 禮記曰儒有一畝之宮環堵之室草戶圭窬又左傳曰

泰山之陽處乎環堵之室草戶不扉羔茨不翳而高歌不輟

曰貧人夏則被褐帶索含菽飲水以支暑熱冬則羊裘短褐不掩形而煬竈口 蓬室 棘庭 謚高

傳曰老萊子楚人也耕蒙山之陽以藿葭為牆蓬蒿為室杞木為牀著艾為席抱朴子曰洪貧元僮候籬落頽決荆棘叢生

庭 牛衣 蝸廬 漢書曰王章家貧常卧朱衣中魚豢魏略曰楊沛前後宰歷城守不以私計介意故

身退之後家无餘積蝸牛廬居止其中妻子凍餒 并日而食 同衣而出 論語曰端木賜結駟連騎以從原憲居蓬蒿之中并日而食子貢曰

甚矣子之病也謝承後漢書曰李元字大遜陳留人也事母至孝家貧兄弟六人同衣而出 蓬雷 桑樞 抱朴子曰洪家貧荆棘叢於

原憲居環堵之室 枯鮒 懸鵲 莊子曰莊周家貧故往貸桑為樞而甕為牖 枯鮒 懸鵲 粟於河監侯監侯曰待我

得邑金貨子三百金周忿然作色曰周昨來視車轍有鮒魚君豈有
斗升之水而相活哉周謂曰諾我且游吳越今激西江之水而逆子
可乎鮒魚忿然作色曰此曾不如早索我於
枯魚之肆乎孫卿子曰子夏家貧徒有四壁

一瓢 四壁 論語曰賢
哉回也一簞食一瓢飲崔鴻後
燕錄曰魏郡王高家貧徒有四壁

茅宅 蓬廬 李劭別傳曰公居
有稻田三十畝茅宅一區張衡歸田
賦曰感老氏之遺戒乃迴駕乎蓬廬

坎塹 落魄 楚辭曰坎塹
而志不平漢書曰酈食
其好讀書家貧落魄

賣樵 鬻畚 漢書曰朱買臣家貧好讀
以給食何法盛晉中興書
曰王猛貧鬻畚為事

甕牖 席門 禮記曰儒有一畝之宮
日而食漢書曰陳平家貧好讀書不營生
業居窮巷中以席為門然門多長者車轍

夜耕 晝傭 陶潛搜
有周孿噴者貧而好道夫婦夜耕崔鴻後燕錄曰魏
郡王高秦末飢亂夫妻晝則傭耕夜則伐草燒博

歆救 食
禮記曰子路曰傷哉貧也巳生死以為養子曰歆救飲水以盡
其歡斯之謂孝崔鴻後燕錄曰王高秦末飢亂父母兄弟死

蓬戶 蒿牀 莊子曰原憲居環堵之室蓬戶不
藜藿寒衣草衣

貧茅居蒿牀 傭書 司馬彪續漢書曰范丹桓帝時辟
守道不仕 為太尉丹自以狷急不能從俗弊

服賣卜於市魏收後魏書曰崔亮字
敬儒清河東武城人家貧傭書自業

雪履 塵甑 史記曰
生父待詔公車貧困飢寒弊履不完行雪中履有上无下足盡
跋地道中人笑之司馬彪續漢書曰范丹桓帝時以丹為菜蕪

長不到官遭黨人禁錮乃結草室而居有時絕糧
問里歌之曰甑中生塵范史雲釜中生魚范菜蕪

立錐地
擔石儲 史記曰楚相孫叔敖知優孟賢病且死謂其子曰我
死汝必貧困往見優孟居數年卒敖子果窮困負薪

逢優孟遂謂謂孟父素所誠言孟即為敖子談說楚王謂叔敖
復生欲以為相孟曰請與婦計之三日而來曰婦言慎勿為楚

相孫叔敖之為相盡忠及死其子无立錐之地何足為也王遂
封敖子又魏志曰 歆素清貧祿賜以賑施親戚故家无擔石之

儲 子桑殆病 元安已絕 莊子曰子輿與子桑友而霖
雨十日子輿曰子桑殆病矣

慕誠而往食之于桑若歌若笑鼓琴曰父母豈欲吾貧哉天地
豈私貧我哉求而為之者不得也先賢行狀曰胡定宇元安至
行絕人召喪始免遊其庭縣 **賦** 東哲貧家賦 余遺家之
今遺戶曹掾問定定已絕穀 **賦** 東哲貧家賦 轅軻嬰六
極之困屯无原憲之厚德有斯人之下貧愁鬱煩而難處且羅
縷而自陳有漏狹之草屋不蔽覆而受塵欲恚怒而元益徒拂
鬱而獨嘖蒙乾坤之 **漢楊雄逐貧賦** 汝在六極投奔荒遐
徧覆庶无財而有仁 進不由德退不受阿
久為滯客其意若何人皆文綉余褐不完人皆稻梁我獨藜飧
貧无寶玩何以為歡徒行負笈出處易衣身服百役手足胼胝
朋友道絕 **官陵遲** 厥安在職爾之為舍爾遠窳崑崙之巔
爾後我隨翰飛戾天舍爾登山巖穴隱藏爾復我隨涉波高岡
舍爾入海况彼柏舟爾復我隨載沉載浮我行爾動 **詩** 云日
我靜汝休豈无他人從我何求今汝去矣勿復又留 **詩** 云日

我靜汝休豈无他人從我何求今汝去矣勿復又留 **詩** 云日

我靜汝休豈无他人從我何求今汝去矣勿復又留 **詩** 云日

我靜汝休豈无他人從我何求今汝去矣勿復又留 **詩** 云日

左思詠史詩

習習籠中鳥舉翮觸四隅落落窮巷士抱影
守空廬出門无通路枳棘塞中途計策弃不

收塊若枯池魚外望无寸禄内顧
无斗儲親戚還相蔑朋友日夜踈

宋陶潛詠貧士詩

暮拙獨抱南軒前圃无遺秀枯條盈北園傾壺絕餘瀝窺寵不
見煙詩書塞坐外白日去不還又曰榮叟老帶索欣然方殫琴
原生納决履清歌暢高音歛袂不掩肘藜羹乏恒樹豈忘襲輕
裘苟得非所欽又曰仲蔚愛窮居繞屋生蒿蓬翳然絕交游賦
詩頗能工介焉安其業所樂相窮通人事固已拙聊得長自從

耗盈帶憂幸有深 **梁王僧孺傷乞人詩** 少年空扶轍白首
棲性幽山可以留 竟填溝葦席何由
足菽藿不能周自顧非好行乞且 **宋蕭璟貧士詩** 四時迭
欲包羞勞君欵曲問冒此殷勤酬 來往苦
辛隨事迫三冬泣牛被五月披裘客遲遲春日永憂來安所適
季秋授衣節荷裳竟不易班超弃筆硯婁敬脫挽輓雖云文夫
忘終涉自媒迹賢哉 **晉張望詩** 荒墟人迹稀隱僻閭隣闊
頽氏子飲水常怡懌 葦席自朽損敗屋正廖豁
炎夏无完絺玄冬无煖褐四體困寒暑 **晉江道詩** 華門不
六時疲餒渴營生愈愁瘁愁來不可割 啓扉環

宋袁伯文述山貧詩

備滌倦閭閻耕牧憊松丘製荷依
露壑寒若逗霜洲鬢垂驚年素膚

耗盈帶憂幸有深 **梁王僧孺傷乞人詩** 少年空扶轍白首
棲性幽山可以留 竟填溝葦席何由
足菽藿不能周自顧非好行乞且 **宋蕭璟貧士詩** 四時迭
欲包羞勞君欵曲問冒此殷勤酬 來往苦
辛隨事迫三冬泣牛被五月披裘客遲遲春日永憂來安所適
季秋授衣節荷裳竟不易班超弃筆硯婁敬脫挽輓雖云文夫
忘終涉自媒迹賢哉 **晉張望詩** 荒墟人迹稀隱僻閭隣闊
頽氏子飲水常怡懌 葦席自朽損敗屋正廖豁
炎夏无完絺玄冬无煖褐四體困寒暑 **晉江道詩** 華門不
六時疲餒渴營生愈愁瘁愁來不可割 啓扉環

耗盈帶憂幸有深 **梁王僧孺傷乞人詩** 少年空扶轍白首
棲性幽山可以留 竟填溝葦席何由
足菽藿不能周自顧非好行乞且 **宋蕭璟貧士詩** 四時迭
欲包羞勞君欵曲問冒此殷勤酬 來往苦
辛隨事迫三冬泣牛被五月披裘客遲遲春日永憂來安所適
季秋授衣節荷裳竟不易班超弃筆硯婁敬脫挽輓雖云文夫
忘終涉自媒迹賢哉 **晉張望詩** 荒墟人迹稀隱僻閭隣闊
頽氏子飲水常怡懌 葦席自朽損敗屋正廖豁
炎夏无完絺玄冬无煖褐四體困寒暑 **晉江道詩** 華門不
六時疲餒渴營生愈愁瘁愁來不可割 啓扉環

耗盈帶憂幸有深 **梁王僧孺傷乞人詩** 少年空扶轍白首
棲性幽山可以留 竟填溝葦席何由
足菽藿不能周自顧非好行乞且 **宋蕭璟貧士詩** 四時迭
欲包羞勞君欵曲問冒此殷勤酬 來往苦
辛隨事迫三冬泣牛被五月披裘客遲遲春日永憂來安所適
季秋授衣節荷裳竟不易班超弃筆硯婁敬脫挽輓雖云文夫
忘終涉自媒迹賢哉 **晉張望詩** 荒墟人迹稀隱僻閭隣闊
頽氏子飲水常怡懌 葦席自朽損敗屋正廖豁
炎夏无完絺玄冬无煖褐四體困寒暑 **晉江道詩** 華門不
六時疲餒渴營生愈愁瘁愁來不可割 啓扉環

耗盈帶憂幸有深 **梁王僧孺傷乞人詩** 少年空扶轍白首
棲性幽山可以留 竟填溝葦席何由
足菽藿不能周自顧非好行乞且 **宋蕭璟貧士詩** 四時迭
欲包羞勞君欵曲問冒此殷勤酬 來往苦
辛隨事迫三冬泣牛被五月披裘客遲遲春日永憂來安所適
季秋授衣節荷裳竟不易班超弃筆硯婁敬脫挽輓雖云文夫
忘終涉自媒迹賢哉 **晉張望詩** 荒墟人迹稀隱僻閭隣闊
頽氏子飲水常怡懌 葦席自朽損敗屋正廖豁
炎夏无完絺玄冬无煖褐四體困寒暑 **晉江道詩** 華門不
六時疲餒渴營生愈愁瘁愁來不可割 啓扉環

耗盈帶憂幸有深 **梁王僧孺傷乞人詩** 少年空扶轍白首
棲性幽山可以留 竟填溝葦席何由
足菽藿不能周自顧非好行乞且 **宋蕭璟貧士詩** 四時迭
欲包羞勞君欵曲問冒此殷勤酬 來往苦
辛隨事迫三冬泣牛被五月披裘客遲遲春日永憂來安所適
季秋授衣節荷裳竟不易班超弃筆硯婁敬脫挽輓雖云文夫
忘終涉自媒迹賢哉 **晉張望詩** 荒墟人迹稀隱僻閭隣闊
頽氏子飲水常怡懌 葦席自朽損敗屋正廖豁
炎夏无完絺玄冬无煖褐四體困寒暑 **晉江道詩** 華門不
六時疲餒渴營生愈愁瘁愁來不可割 啓扉環

耗盈帶憂幸有深 **梁王僧孺傷乞人詩** 少年空扶轍白首
棲性幽山可以留 竟填溝葦席何由
足菽藿不能周自顧非好行乞且 **宋蕭璟貧士詩** 四時迭
欲包羞勞君欵曲問冒此殷勤酬 來往苦
辛隨事迫三冬泣牛被五月披裘客遲遲春日永憂來安所適
季秋授衣節荷裳竟不易班超弃筆硯婁敬脫挽輓雖云文夫
忘終涉自媒迹賢哉 **晉張望詩** 荒墟人迹稀隱僻閭隣闊
頽氏子飲水常怡懌 葦席自朽損敗屋正廖豁
炎夏无完絺玄冬无煖褐四體困寒暑 **晉江道詩** 華門不
六時疲餒渴營生愈愁瘁愁來不可割 啓扉環

堵滿高榛空瓢覆壁下簞上自
生塵出門誰氏子憊哉一何貧
梁朱异詠貧詩觸途皆可
試維貧獨

未安窻開兩片月霜足一重寒
蒿濕鋪牀應瑗雜詩貧子
語窮

兒无錢可把撮耕日不得粟采彼
北山葛篲瓢恒自在无用相呵喝
魏武謠俗詞甕中无斗
儲發篋无

及繙友來從我書**應璩與韋仲將書**夫以原憲懸磬之
居而值皇天无已

之時薪芻既盡穀亦傾匱進无顏
子不改之又與董仲連

志退无揚雄晏然之情是以懷戚
良不可堪穀糴騰踊告求周隣日獲數斗猶无薪可以熟之孟軻困
於梁宋宣尼危以陳蔡无以過此出蒙誦於臧獲入見謫

於嬪息忽使已憤不
知處世之為樂也

離別第七叙**楚辭**曰悲莫悲兮生別離又曰僚

慄兮若在遠行登山臨水送將歸
江淹別賦曰

黯然銷魂者唯別而已矣家語曰
孔子去周老

十送之曰吾聞富貴者送人以財
仁者送人以

言吾雖不能富貴而竊仁者之號
請送子以言

凡當世之聰明深察而近於死者
好議人者也

博辯宏大而危其身者好發人之
惡也孔子曰

敬奉教東觀漢記曰陳遵使匈奴
辭於王丹丹

謂遵曰子使絕域無以相贈贈子
以不拜遂揖

而別遵甚悅管輅別傳曰諸葛樂
與輅別戒

以二言鄉性樂酒雖温克然不可
保寧當節之

卿有水鏡之才所見者妙禍如膏火火不慎持

卿散才以游於雲漢之間不憂不富貴也輅言

酒不可極才不可盡吾欲持酒以禮持才以愚

何患之有耶**事對**宿濟 餞郢 毛詩曰出宿于濟 飲餞于禰又曰申

伯言邁王浮雲 零雨 李陵贈蘇武詩曰仰視浮雲馳奄 忽互相逾風波一失路各在天一

餞于郢 牽衣 摠 隅孫楚征西宮屬於陟陽侯祖道詩曰晨風飄 岐路零雨被秋草傾城遠追送餞我千里道

轡 魏文帝見挽舡士兄弟辭別詩曰舍我故鄉客將適萬里 道妻子牽衣袂落淚雷懷抱陸機赴洛詩曰摠轡登長路

鳴咽辭密親承歡遵 參辰 弦枯 李陵贈蘇武詩曰昔為 鴛與鴛今為參與辰昔 北渚遺思結南津

時常相近邈若胡與秦陸機為顧彦先贈婦詩曰形 影參商乖音信曠不達離合豈非常譬彼弦與管 **送南浦**

造北林 楚辭曰余交手兮連行送美人兮南浦曹植雜 友詩曰日匿景兮天微陰經迥路兮造北林

北館 **東城** 漢武帝與秦車子侯家詔曰春時子侯於北 館與家別陸機贈馮文熊詩曰鳳駕出東城

送子臨河曲登樓望 峻波時逝一何遠 白雲 黃鶴 穆天子傳曰天子觴西 王母瑤池之上王母謠

曰白雲在天山川間之蘇武贈李陵詩曰黃鶴 一遠別千里顧徘徊胡馬去其群思心長依依 **北路** **南津**

曹彪答東阿王詩曰盤經難懷抱停駕與君訣即車登北路承 歎尋先轍陸雲答兄機詩曰悠遠途可極別怨會何長南津有

絕濟北渚 二鳧 雙鸞 李陵贈蘇武詩曰二鳧俱北飛一 鳧獨南翔子當留斯館我當歸故

無河梁 蘭圃 桃館 嵇康 鄉嵇康贈秀才入軍詩曰雙鸞遊景曜 單雌偏獨游哀吟傷生離

才入軍詩曰息造蘭圃秣馬華山郢人逝矣誰與盡言荆州 圖記曰襄陽縣南陸道六里有桃林館是餞行送歸之處

東津 **西渚** 酈元注水經曰壽春縣城東為長瀨津津側 有才堂此亭迎送所泊也戴逵高興賦曰挾

鳴琴於林下理繼綸於長浦迴
四鳥 三荆 家語曰孔子

賤行以越江送倚人於西渚
回侍聞有哭声甚哀頽曰此哭声非獨哀死又悲生離也孔

子曰何以知之對曰回聞恒山之鳥生四子羽翼既成將分離
悲鳴以相送哀声有類於此吳均續齊諧記曰京兆人田真兄

弟三人共分財各居堂前有一株紫荆華甚茂共議破為三待
明截之忽一夕樹即枯死真見之驚謂諸弟曰本同株當分析

便憔悴况人元弟孔傑而可離異是人不如樹木也兄弟相感
更秣馬 理棹 徐幹哀別賦曰秣余馬以候濟方心儻恨

合秣馬 而內盡仰深沉之賧藹兮重增悲以傷情
王彪之與諸兄弟方山別詩曰脂車摠馳 臨江 絕河 越

輪汎舟理飛棹絲染墨悲歎路歧揚感悼
吳越春秋曰勾踐入臣於吳群臣皆送至浙江上臨水祖 飛

送吳氏春秋曰吳起行魏武陝自送之絕河西與起相辭
鵠 翔鴻 樂府飛鵠行曰念與君離別氣結不能言各言重

萬里一神蜚吳蒼荆高 雲垂 雨絕 張載述懷詩曰跋涉
志難得離鴻失所望 山川千里告辭揚子

哭此墨氏感絲雲垂雨絕心平愴而郭璞詩曰君
如秋日雲妾似突中煙高下理自殊一垂雨絕天翔鳧驚

鶴 李陵贈蘇武詩曰二鳧俱北飛一鳧獨南翔子當留斯館
我當還故鄉曹植詩曰雙鶴俱遊遊相候東海傍雄飛窺

北翔雌逝赴南相弃我 歸雲征 驚風散 李充送許從詩
交頸歡離別各一方 曰來若迅風歡

逝如歸雲征離合理之常聚散安足驚秦臆贈石崇詩
曰翕如翔雲會忽若驚風散分給懷南析對樂增累歎 發軔

弭棹 陸 贈馮文熊詩曰發軔濁渭汭駘馬大河陰分索
古所悲志士多苦心謝靈運從宋公戲馬臺集孔令

詩曰歸客逐海隅脫冠謝朝 結轍 揚舲 范廣泉征虜亭
列頌禱泊桂渚指景待樂闕 錢王少傳詩曰

掛冠東門闕歸褐西唐足結轍塵高衢祖供懸長麓孔法生征
真亭祖王少傳詩曰若人鑒殆辱解紱揚歸舲真感屬神慮高

與藥 悽心 結念 卜裕詩曰余弟適東邁眷恋將乖情離
天情 別信吾事悽心相纏嬰謝靈運送雷次

宗詩曰符守瑞邊楚感念悽城 援琴 擊筑 蔡邕琴操曰
塚志苦離念結情傷日月怡 商陵牧子娶

妻五年元子父母將欲為改娶妻聞中夜驚起倚戶悲嘯牧子
聞接琴鼓之痛恩愛以乘離歎別鶴以舒情故曰別鶴操史記
曰燕太子送荆軻入秦賓客知其事者皆白衣
冠以送之至易水上既祖道高漸離為之擊筑 **贈言 送**

揖 家語曰子路將行辭於孔子曰贈以帛乎贈汝以言乎對
曰請以言孔子曰不強不達不勞无功不忠无親不信尤
復不恭无禮慎此五者而已矣子路曰由願終身奉之東觀漢
記曰陳遵為太司農護軍使匈奴過辭於王丹臨訣丹謂遵曰
俱遭時 **唯我二人為天地所遺今子當之絕** **陟陽侯 臨**

城无以相贈贈子以不拜遂揖而別遵甚悅 **陟陽侯 臨**
孫楚西征官屬於陟陽侯祖道詩曰晨風飄歧路零雨

川亭 被秋草傾城遠追送錢我千里道荀雍臨川亭詩曰目
極依春路披褐懷良辰明 **即長衢 陵高阜** 孫楚陟陽侯
發戒徒御臨流錢歸人 詩曰乖離即

長衢惆悵盈懷抱孰能察其心鑒之以蒼昊卜裕送桓竟陵
詩曰翰城將執寄懷人應斯蒞錢行陵高阜怡衿睦景系

隔山河 閼丘谷 孫楚之馮翊祖道詩曰舉翮撫三秦折
我千里目念當隔山河執觴懷慘毒郭

惜與從弟別詩曰乖索易為父尋離 **征虜亭 領軍府**
竟月促遼落隔脩途窈窕閼丘谷 日不見如三月兮李陵與蘇武詩曰嘉會難

身征虜庭餞王少傅詩曰韓卿辭輦路踈傳知殆辱素德濁光
塵玄軌芳前覺謝琨送二王在領軍府集詩曰苦哉遠征人將

垂萃余室明瞭通 **一日三月二載千秋** 毛詩曰佻兮達
朝暉絲竹盛蕭瑟 方在城闕方一

再遇二載為千秋臨河濯長纓念別悵阻路 **掩歡緒 起**
離端 宋孝武帝幸中興堂餞江夏王詩曰送行悵川逝離酌

偶歲陰陰雲掩惜緒江山起別心謝混送二王在領軍
府詩曰樂酒輟今 **賦 魏文帝離居賦** 惟離居之可悲愧
辰離端起來日 獨處于空林愁耿

耿而不寐歷終夜之悠長驚風厲於閨闈忽 **梁劉孝儀歎**
增激乎中房動幃牀之掩詢對明燭而无光

別賦 在初歸之為興庶因會而自收保私庭之宴喜共昆弟
而嬉游校小文於操筆比措式於臨流心每懽於接膝

行必喜於同斯忽一去而數載遂離居而引隔既同夕 **梁張**
於當寐垂共食於終食惟遠望以代歸負相思其无力

六

六

續離別賦

隔願言於信次尚眷眷而興懷矧雲崖之遠訣

在驚禽之厲感自徂年之將暮眺湘源之分流遵洞庭之水路

山峻高而易隱浦澶迴而難沂依啾啾而夜鳴風搔搔而曉度

指客子兮何心能辭鄉與別故共

梁江淹別賦 黯然銷塊 者唯別而

飛蒼蕙之遺芳不離披於霜露 已矣况秦吳兮絕國復燕宋兮千里或春苦兮始生或秋風兮

暫起是以行子腸斷百感悽惻風蕭蕭而異響雲漫漫而奇色

舟凝滯於水濱車逶遲於山側棹容與而未前馬寒鳴而不息

掩金觴而誰御橫玉柱而肅軾居人愁卧恍若有亡日下壁而

沉彩月上軒而飛光見紅蘭之受露望青秋之罹霜廵丹

楹而空掩撫錦幃而虛涼知离夢之踟躕意別竟之飛揚

古詩 行行重行行與君生別离相去萬餘里各在天一涯

李陵贈蘇武詩 携手上河梁送子暮向之徘徊臨蹊路恨

非三月弦望自有時努 宋謝靈運相送方山詩 祗役出

力崇明德皓首以為期 期憩越解纜及流潮懷舊不能發折折就

衰林皎皎明秋月含情易為盈遇物難可歌 宋鮑明遠贈

別傅都曹詩 輕鴻戲江潭孤鴻集洲渚通近兩相親同念

時声容滿心耳短翮 齊謝朓新亭渚別范雲詩 洞庭

不能翔非回溼霧裏 地瀟湘帝子遊雲去蒼梧野水環江漢流停驂

諮議西上夜集詩

徘徊將所愛惜別在河梁衿袖三春

齊張融別詩

白雲山上盡清

梁庾肩吾新亭送劉之遴詩

車轉黃山路

隴頭悲望秦沙揚漢中策還似贈征人 周王褒別王都官

詩 聯綿憫流客悽愴惜离群東西御溝水南北會稽雲

江 河橋兩堤絕橫歧數路分山川遙不見懷袖遠相聞

初學記卷第十八

客行七十歲歲暮遠徂征塞雲

近為村

又別袁昌州詩

河陽望隴頭分手路悠悠徂在若

長安城 山去去愁不言雲
雨散更似東西流

初學記卷第十八

初學記卷第十九

人部下

錫山安國校刊

美丈夫一

美婦人二

醜人三

長人四

短人五

奴婢六

美丈夫第一

敘事

家語曰息土之民美周書曰美

男謂之破老爾雅曰美士為彥眈眈皇皇穆穆

美也論語曰堂堂乎張也

注云言子張儀容盛

左傳稱公子

鮑美而豔登徒子賦稱宋玉為人體貌閑麗漢

書云張子房狀貌如婦人好女直不疑狀貌甚

美吳志孫桓儀容端正器懷聰明語林曰何平叔美姿儀而絕白魏文帝疑其著粉夏月與熱湯餅既啖大汗出隨以朱衣自拭色轉皎然潘安仁至美每行於道群嫗以果擲之常盈車晉書王蒙字仲祖美姿容常覽鏡自照稱其父字曰王文開生如此兒耶嘗帽破入市買之群嫗悅之遺之帽也漢書曰張蒼肥白如瓠東方朔目如懸珠齒如編貝後漢馬援眉目若畫左傳子大叔美秀而文晉書謝尚論中朝人物杜乂

膚清衛叔寶神清又王戎曰王衍神姿高徹如瑤林玉樹自是風塵外物又王澄謂王衍曰兄形似道而神鋒太秀又漢書司馬相如車騎雍容閑雅甚都都美也晉裴楷容儀俊爽時人謂

之玉人 **車對** 乘羊車 執麈尾 衛玠別傳曰玠在齧

市舉市咸曰誰家玉人王夷甫美容 夏潘連璧 玠在齧 甥舅

映珠 郭子曰潘安仁夏侯湛並有美容兒常同行人謂之連璧衛玠別傳曰王武子玠之舅也語人曰昨與吾外生

並坐炯然若明珠之 **班伯甚麗** **何晏絕美** 漢書曰班伯少受詩

在我側朗然來映人 於師丹大將軍王鳳薦伯宜勸學召見宴昵殿中容兒甚麗誦說有法拜中常侍何晏別傳曰晏方年七八歲慧心天悟形兒

路咸謂神仙之類 **陳平冠玉** **董偃賣珠** 漢書曰陳平美色漢

王曰平雖丈夫美如冠玉耳又曰董偃始與母賣珠為業偃得

年十三隨母入平陽公主家左右言其姣好王養之號董君 **葛無恨** **窺宋未許** 異苑曰鄆陽陳忠女名豐隣人葛

戲相謂曰若得婿如葛勃无所恨也宋玉登徒子好色賦曰玉

為人躰兒閑麗口多微詞性又好色願王勿與出入後宮宋玉

曰臣東家之子增之一分則太長減之一分則太短著 **龍章**

粉太白施朱太赤然此女登墻三年窺臣臣至今未許 **鳳姿凝脂點漆** 嵇康別傳曰康長七尺八寸好容色雖

然語林曰王右軍目杜弘治曰面 **宋鮑美豔** **孫桓聰明**

如凝脂眼如點漆此神仙中人 **宋明等珪璧** **何晏若神仙** 王智深宋記曰宋

見敘 **行陳沈烟長安少年行** 明帝諱或姿兒豐

事與珪璧等質 **行陳沈烟長安少年行** 長安好少年

何晏事見上 **行陳沈烟長安少年行** 馬鐵連錢

樂腦勒 晉后鑄金銀步搖如飛鸞劍鏤似舒蓮去來新市

遊大道邊道邊三老翁顏鬢似衰蓬自言主漢代少小見英雄

五侯俱日拜七貴各論功建章連北闕複道應南宮太后居長

樂天子出回中玉輦迎飛鸞金山當鄧通一朝復一日忽見市

朝空扶桑无復海崑山到向東少年何暇問頽齡遇福終子孫

冥滅尽鄉閭不復通淚尽眼方暗脾傷耳自聾杖策尋遺老歌

美婦人第二 叙 **毛詩注云美女為媛何承天纂**

文云乎瑜美色也莊子曰西施毛嬙人之所美

也魚見之深入鳥見之高飛左傳稱鄭有徐吾

犯之妹甚美公孫楚與公孫黑爭聘之又宋孔

父嘉之妻美宋華父督見之於路目逆而送之

曰美而豔公羊傳曰邾婁顏夫人有國色後漢書曰梁冀妻孫壽色美善為妖態作愁眉啼粧

墮馬髻折鬢步齟齬笑以為媚惑事對弄玉

飛瓊劉向列仙傳曰籛史者秦穆公時人善吹籛能致孔雀白鶴穆公女弄玉好之公以妻焉一朝隨鳳飛去漢武

內傳西王母乘紫雲之輦履玄瓊之舄下輦南威西子

上殿呼帝共坐命侍女許飛瓊鼓雲和之簧戰國策曰晉文公得南威三日不朝遂推南威而遠之曰後代

必有以色亡國者曹植扇賦曰情駒蕩而外得心悅豫而內安增吳氏之姣好

發西子之玉顏楚娃宋豔服虔通俗文曰南楚以美色

之間美絳樹青琴魏文帝與繁欽書曰今之妙舞莫巧於絳樹清歌莫激於宋鵬馬相如

上林賦曰若夫青琴宓妃之徒巫峽洛川山海經曰丹

也帝女居焉宋玉所謂我帝之季女名曰瑶姬其間首尾一百六十里謂之巫峽蓋因山為名也曹植洛神賦曰容與乎揚林

流眇乎洛川俯則未察仰以殊觀覩一麗人于巖之畔高唐下蔡宋玉神女賦曰楚襄王與宋玉遊於

雲夢之澤使宋玉賦高唐之事其夜王寢夢與神女遇其狀甚麗阮籍詩二妃游江濱逍遙順風翔文甫懷玉佩婉孌有芬芳

傾城迷下蔡翠翰眉蟬翼鬢陸機艷歌行美目揚玉澤蛾眉象翠翰鮮膚一

容好結中腸何潤秀色若可餐崔豹古今注魏文帝宮人絕所愛者有莫瓊樹薛夜來陳尚衣陳巧笑皆日夜在側瓊樹始製為蟬鬢挈之

縹緲如蟬翼故號曰蟬鬢束素腰橫波目宋玉登徒子賦曰巨東

東素傳毅舞賦曰眉連娟賦宋玉高唐賦并序昔者先王

以增繞目流睇而橫波嘗遊高唐怠而晝寢夢一婦人曰妾巫山之女也為高唐之客聞君而遊高唐願薦枕席王因幸之去而辭曰妾在巫山之陽高唐之岨朝為行雲暮為行雨朝朝暮暮陽臺之下王曰朝雲

始出狀若何也王對曰其始出也昭兮若松樹其少進也晰兮

若姣姬揚袂朝日而望所思忽兮改容偈兮若駕駟馬建羽旌
秋兮如風淒兮如雨風止雨霽雲無處所中阪遥望玄木冬榮
煌煌熒熒奪人目精爛

漢司馬相如美人賦

臣之東隣有一女子

兮若列星曾不可殫形
玄髮豐豔蛾眉皓齒頰盛色茂景曜光起恒翹翹而相顧欲留
臣而共止登垣而望臣三年於茲矣臣弃而弗許離宮閑館寂
寞重虛門閣晝掩暖若仙居臣排其戶而造其堂芳香郁烈黼
帳高張有女獨處婉然荏弱奇華逸麗素質艷光觀巨遷延欲
笑而言曰上客何因之公子所從來无乃遠乎遂設旨酒進鳴
琴臣遂撫絃為幽蘭白雲之曲女乃歌曰獨處室兮廓无依思
佳人兮情傷悲有美人兮來何遲日既暮兮華色
魏曹植洛

神賦

御者對曰臣聞河洛之神名曰宓妃君王所見无乃是
乎其狀若何臣願聞之余告之曰其形也翩若驚鴻婉

若游龍榮曜秋菊華茂春松髮鬋兮若輕雲之蔽月飄飄兮望
流風之迴雪遠而望之皎若太陽升朝霞迫而察之均若芙蓉
出淥波濃纖得所脩短合度肩若削成腰若約素延頸秀項皓
齒呈露芳澤无加鈿華不御雲鬢峩峩脩眉連娟丹脣外朗皓

齒內鮮明許善時曆輔承權瓌姿豔逸儀靜體閑柔情綽態媚
於語言奇服曠代骨象應圓被羅衣之璀璨珥瑤碧之華瑤戴
金翠之首飾綴明珠以耀軀踐遠遊之文履曳霧綃之輕裾微
幽蘭之芳藹兮步踟躕於山隅於是忽焉縱體以遨以嬉左倚
彩旄右蔭旌旗攘皓腕於神許兮采湍瀨之玄芝余情悅其淑
美心振蕩而不怡收和顏以靜志兮申禮防以自持於是洛靈
感焉徙倚彷徨神光離合乍陰乍陽竦輕軀以鶴立若將飛而
未翔踐椒塗之郁烈步蘅薄以流芳超長吟以永慕兮声哀厲
而弥長歎匏瓜之无正詠牽牛之獨處揚輕桂之綺靡翳脩袖
以延佇體迅飛鳧飄忽若神凌波微步羅襪生塵動无常則若
危若安又曰越北沚過南岡紆素嶺迴清陽動丹脣以徐言陳
交接之大綱恨人神之道殊兮怨盛年之莫當於是背下陵高
足往心留遺情
宋謝靈運江妃賦
小霄微骨朱衣皓齒
想像顧望懷愁
緜視騰來靡容臆理

宋謝靈運江妃賦

小霄微骨朱衣皓齒
緜視騰來靡容臆理

出月隱山落日映嶼收霞斂色迴颺拂渚每馳情於晨暮矧良
遇之莫叙投明珠以申贈觀色授而寬與嗟佳人之眇邁眺霄
際而皓語懼展愛之末期抑傾念而整佇天台二娥宮亭雙媛
青桂神接紫衣形見或飄翰凌煙或潛泳浮海萬里俄頃寸陰

不改事雖假於雲 **詩** 古詩 青青河畔草鬱鬱園中柳盈盈物心常得於无待

粧纖纖出素手自云倡家女嫁為 **晉阮籍詩** 姁俊閑都子蕩子婦蕩子行不歸空林難獨守

玄鬢發朱顏睇眄有光華傾城思一顧 **又詩** 二妃遊江濱道遺視來相過願為三春遊朝陽忽蹉跎

懷玉佩婉孌有芬芳倚靡情歡愛千載不相忘傾 **歌** 漢李城迷下蔡容好結衷腸感激生愛思萱草樹蘭房

延年歌 北方有佳人絕世而獨立一顧傾人城再 **晉傅玄** 顧傾人國宜不知何城國佳人難再得

歌 有女懷芬芳媿媿步東廂蛾眉雙翠羽明眸發清光丹脣翳皓齒秀顏若珪璋巧笑露唇轉衆媚不可詳今儀希世

出无乃古毛嬙首戴 **篇** 魏曹植美女篇 美女妖且閑采桑歧路間金步搖耳繫明月璫

柔條芬冉冉葉落何翩翩攘袖見素手皓腕約金釵頭上金雀釵香佩翠琅玕明珠交玉體珊瑚間木難羅衣何飄飄輕裾隨

風還顧盼遺光彩長笑氣若 **行** 古樂府陌上桑行出 蘭行徒川息駕休者以忘餐

桑城南隅青絲為籠繩桂枝為籠鈎頭上髮墮髻耳中明月珠細綺為下裙紫綺為上襦觀者見羅敷下檐持髻鬢少年見羅

敷脫巾看僕頭耕者忘其犁鋤者忘其鋤來 **宋鮑昭堂上行** 暉暉朱顏醜紛紛織女

羅敷使君從南來五馬立踟躕 **宋鮑昭堂上行** 校滿堂皆美女自我對

姮娥箏笛更彈吹高唱好相和萬曲不關 **醜人第三** 釋名曰醜臭也穢也家語曰耗土

心一曲動情多欲知意厚薄又聽声相過 **醜人第三** 釋名曰醜臭也穢也家語曰耗土

之人醜尚書洪範六極五曰惡 **發蒙記** 醜陋也

曰醜男駿蔑醜女離春廣雅曰此惟媒娉儂 **發蒙記** 醜陋也

類頰嗚眡頰顛醜也 **發蒙記** 此鼻之反惟火遺反媒音陪儂音

古來反顛音 **毛詩** 曰不見子都乃見狂且 **注** 曰狂且

骨顛音欺 **唐** 狂醜之人

左傳曰賈大夫貌惡取妻而美三年不言御以如臯射雉獲之其妻始笑孫卿子曰衛靈公有臣曰公孫呂身長七尺面長三尺而廣三寸名動天下史記曰澹臺滅明狀甚惡秦相蔡澤欽願折頰晉書左思貌醜而口訥何承天纂文曰媼母醜人也列女傳曰齊孤逐女其狀甚惡又齊宿留女項有大瘤梁鴻之妻子孟光醜黑而肥力能舉石曰事對短足 銳頭崔鴻前秦錄曰符雄龍驤將軍兒醜頭大而足短故軍稱為大頭龍驤劉謚之欽龍即賦曰其頭也則中階而上下銳頰平而本枕四起

頰 推頰

甚曰母欲下其父曰吾聞諸聖賢人狀皆有異於人興我宗者必此兒也 之呂氏春 承宮 管輅後漢書曰承宮名播匈奴時單于使求見宮曰夷狄眩名非識實也臣狀兒醜不可以示遠人魏志曰管輅容兒醜而嗜酒飲食无威儀

孫秀 駘他

晉書孫秀尚河東公主形陋短小奴僕也 百惡人焉曰哀駘他丈夫之與處者思不能去也婦人之請於其母曰與為人妻寧為夫子妾者十數而未止也是必有以異乎人也寡人召而觀

子羔貌惡

伯倫形陋家語曰高柴字子羔

支離隱願

夏禹長頸莊子曰支離

鵬鵠

媼

臍有高於頂會撮拍天五管在上兩髀為脇也尸 子曰禹長頸鳥喙面目顏色亦惡矣天下獨賢之

母焦贛易林復之蒙曰鵬鷲娶妻深目窈斗折腰不媚 誕女

亮妻 世說曰王廣娶諸葛誕女入室言語始交王語婦曰神

婦人比蹤英傑習鑿齒襄陽記曰黃承產謂孔明曰君擇婦身

有醜女黃須黑色而才堪相配君子孔明許焉載送之時人以

為笑樂鄉里為之諺曰莫作 印鼻 宿瘤 劉向列女傳

孔明擇婦正得河外醜女 印鼻 宿瘤 曰齊鍾離春

者齊无鹽邑女宣王之正后也其為人極醜无雙凹頭深目長

肚大節印鼻結喉肥項少髮折鬢出胷皮膚若漆行年三十无

所容入行嫁不售於是拂拭短褐自謁宣王宣王納之為后又

曰齊宿瘤女者齊東郭採桑之女閔王后也項有大瘤故號宿

瘤 孤逐 厚送 劉向列女傳曰齊孤逐女者其狀甚醜三

之門而求見王輟食而起謹敬左右曰三逐於鄉者不忠五逐

於里者少禮何足為貴王曰子不識也夫牛鳴而馬不應者異

類故此其人必有異者遂見與之語而悅之韓詩外傳齊王厚

送女欲妻屠門肚肚辭以疾其友勸之曰子孫死腥臭之肆而

已乎何以辭之 應曰其女醜其友曰何謂也肚曰吾刻善如

量而去苦少耳吾肉不善雖以他附益之尚猶不售今厚送子

子醜故耳其友下問 惠如 允婦 王隱晉書曰武帝為太

女果醜肚一作吐 娶衛瓘女揚后欲娶賈充女上曰衛公女有五可賈公女有五

不可衛家種賢而多子端正而長白賈家種妬而少子醜而短

黑也郭子曰許允婦是阮德如妹奇醜交禮竟許永元復入理

桓範勸之曰阮嫁醜女與卿故當有意宜察之許便入見婦即

出提裙裾待之許謂婦曰婦有四德卿有幾荅曰新婦所乏唯

容士有百行君有其幾許曰皆備婦曰君好色不好德何謂皆

備許有慙色 勃胥 隴廉 楚辭曰西施媞媞而不得見媞

遂雅相重 勃胥 隴廉 母勃胥而日侍又楚辭曰珪璋

藉於甌室隴廉與孟陬同宮舉

世以為恒俗固將愁苦而終窮

諸君子各各明君耳聽我作文

章說此河南事詞汎不具載

惟彼玄士稟茲至縑色内外皆相似卧如驪牛驥立如

烏牛時忿如鸚鵡鬪樂似鸕鷀喜云云詞汎不具載

朱彥時黑兒賦 世有非

劉謚之龐郎賦 坐

劉思

常人實

劉思

劉思

真醜婦賦

人皆得令室我命獨何各不遇姜任德正值醜惡婦才質陋且儉姿容劇媼母鹿頭獼猴面推

額復出口折頰厭黑面樓鼻兩眼顫交曰切膚如老桑皮耳如

側兩手頭如研米槌髮如掘掃帚惡觀醜儀容不媚似鋪首鬚

鈍拙梳髻刻畫又更醜粧頰如狗舐額上獨偏厚朱唇如踏

血畫眉如鼠負傅粉堆頤下面中不徧有領如鹽鼓囊袖如常

拭金履中如和泥瓜甲長有宋玉登徒子好色賦登徒

垢脚皸可容箸熟視令人嘔反脣歷齒勿行偃僕又疥且

子妻逢頭攣耳斷牛痔登徒子悅之使有五子王熟察之誰為好色者矣

長人第四周書曰丘陵之人專而長淮南

曰東方之人長禮斗儀曰君乘土而王者其

長帝王世紀曰禹長九尺九寸殷湯長九尺孔

演圖曰孔子長十尺帝王世紀曰季歷之妃生

文王昌身長十尺吳越春秋曰伍子胥長一丈

眉間一尺漢書曰韓王信長八尺九寸張蒼長

大肥白如瓠金曰磬長八尺二寸東方朔長九

尺三寸河圖龍文曰龍伯國人長三十丈以東

得大秦國人長十丈又以東十萬里得佻國人

長三丈五尺又以東十萬里中秦國人長一丈

天之東南西北極各有銅頭鐵額兵長三千萬

丈又有金剛敢死力士長三千萬丈天中太平

之都有都甲食鬼鐵面兵長三千萬丈東方朔

神異經曰西南大荒中有人焉長一丈其腹圍九尺踐龜蛇戴朱鳥左手憑青龍右手憑白虎知河海斗斛識山石多少知天下鳥獸言語知百穀草木鹽苦名曰聖一名哲一名先一名無不達凡人見拜者令人神智西北海外有人焉長二千里兩脚中間相去千里腹圍一千五百里但日飲天酒五斗不食五穀魚肉唯飲酒好游山海間不犯百姓不干萬物與天地同生名無路之人一名仁一名信一名神

事對 晉十圍

跡六尺

晉書曰尹緯字景亮少有大志不營產業身長八尺

臨洮身長五丈脚踏六尺

見襄武

出蓬萊

魏志曰咸熙二年有大

人見襄武縣長二丈餘

海濱輜車不能載三馬不能勝即日

眉見軾

骨專車

穀梁傳魯文公十一年叔孫得臣敗狄于鹹長狄也弟兄三人

大害中国瓦石不能害叔孫得臣最善射者也射其目身橫九

畝斷其首眉見於軾因語曰吳伐越墮會稽獲骨焉節專車吳

子使問仲尼仲尼曰昔禹致羣臣於會稽之山防風氏後至禹

戮之其骨節直

此為大矣

之人長蓋五文餘也漢書曰車千秋姓田為高寢郎更太

騰雄異

趙壹魁梧

袁宏漢紀曰長樂衛尉馬騰其長八尺身體洪大面鼻雄異而性賢

厚人多敬之後漢書趙壹字元淑躄兒魁梧身長九尺美鬢眉望之甚偉恃才傲物為鄉曲所擯

海釣巨 鼇 河流大屐 列子曰大壑中有五山天帝使巨鼇戴五山龍伯國有大人釣六鼇合負而歸因灼

其骨帝怒滅龍伯之國祖冲之述異記曰符健皇始四年有長人見身長五丈語人張靖曰今當太平新平令以聞健以為妖妄召靖繫之是月霖雨河渭泛溢滿坂津監寇登於河中流得大屐一隻長七尺三寸足跡稱屐指長尺餘文深七寸

霸枕股 巾香拂蓋 巨霸已見上三十國春秋置左右鎮郎及拂蓋郎申香為拂蓋郎長

一丈 **十丈極數 三馬不勝** 國語曰人之長極幾何仲尼曰長者不過十丈

數之極也三馬 **林父千里 支提三丈** 東方朔神異經東南隅大

荒中有林父焉其高千里腹圍百輔郭子橫洞冥記曰有支提國人長三丈二尺有二手一手當眉手足各三指

漢司馬相如大人賦 世有大人兮在乎中州宅弥萬里

兮揭輕舉而遠遊垂絳幡之素霓戴雲氣而上浮建絡澤之脩竿兮總光耀之彩旄垂旬始為參兮曳彗星而為鬢掉指揮以

偃蹇兮又旖旎以招搖攬攬槍以為旌兮靡屈虹以為綢江杳眇以泫泫兮焱風涌而雲浮

長臂國讚 雙臂三丈軀如中人波為者長臂之人脩脚是負捕魚海濱 **又夸父讚**

神哉夸父難以理尋傾河及日遁形鄧林觸類而化應元常心

短人第五 事 **國語曰僬僥國人長三尺短之至也**

方言曰侏儒短人也 昨啓切 **矐** 蒲措切 **短也** 漢武故

事東郡送一短人長七寸名巨靈 漢書曰嚴延年

為人短小精悍敏捷於事婁護為人短小精辨何承

天纂文曰漢光武時潁川張仲師長二寸魏書曰王

安達皮箱 切學記卷十九

祭樂進並為人短小占夢書曰凡夢侏儒事不成

舉事中止後無名百姓所笑人所輕拾遺記曰負

嶠山有陀移國人長三尺壽萬歲廣延之國人長

二尺東方朔神異經曰西北荒中有小人長一寸朱

衣玄冠西海之外有鶴國男女皆長七寸

臧紇 **高柴** 左傳邾人昔人伐鄆臧紇救鄆敗於狐駘國

人謂之曰臧之狐裘敗我於狐駘我君小子

侏儒是使侏儒侏儒敗我於邾家語曰

高柴字子羔不過六尺為人篤孝 **優旃** **蔡義** 史記曰

倡侏儒也始皇時置酒天雨陛楯者寒旃矜之乃大呼曰女雖

長雨中立我雖短故幸休始皇乃使皆代之漢書蔡義為丞相

時年八十餘短小无鬚眉兒似老 **楚葉公** **齊晏子** 卿

子曰楚葉公子高微小短瘠其行將若不勝衣晏子春秋曰晏

子短奉使楚楚為小門晏子不入曰使狗國即從狗門入今使

楚不當從 **蔡賦巴馬** **郭讚** 讚人馬芍柳下狗郭璞讚

曰僬僥極麼淨 **王敬端方** **張松放蕩** 宋書曰王敬

人又小蜂音淨 **婁護精辯** **嚴延敏捷** 弘形狀短小

而坐起端方益部雜記曰張松 **東方詒騶** 東方朔神異經曰西海外有鶴國人長七寸行

如飛日千里百物不敢犯唯畏海鵠海鵠遇則

吞之壽三百歲人在鵠中不死漢書曰東方朔詒騶侏

賦漢

儒曰帝以若曹无益於縣官今欲盡殺若曹侏儒大懼

蔡邕短人賦 俗歸義慕化企踵遂在中國形兒有部名之

侏儒生則象父唯有晏子在齊辨勇匡景拒崔加刃不恐其餘

庭公劣厥僕窶嚙噴怒語與人相距矇昧嗜酒喜索罰舉醉則

安生皮箱

刀學記卷十九

十一

揚声罵詈恣口衆人恐忌難與並侶是以陳賦引譬比偶皆得
形象誠如所語其詞曰雄荆雞兮鶩鷺鵲鳩鳩兮鷄鷄雌冠
載勝兮啄木兒觀短人兮形若斯蟄地蝗兮蘆螂蛆好蘭中
蛹兮蠶蠕醅頓暗視短人兮形若斯木門闌兮梁上柱弊鑿頭
兮斷柯斧鞞鞞鼓兮補履操脫椎
讀郭璞焦僥讚焦僥極麼
桷兮擣薤杵視短人兮形如許
淨人又小四體
取足眉目纒了

奴婢第六敘風俗通曰古制本無奴婢即犯

事者或原之臧者被臧罪没入爲官奴婢獲者

逃亡獲得爲奴婢也說文曰男入罪曰奴女入

罪曰婢方言曰臧甬音勇侮獲奴婢賤稱也荆

淮海岱并齊之間罵奴曰臧罵婢曰獲齊之北

鄙燕之北郊凡人男而壻婢曰臧女而婦奴曰

獲又亡奴謂之臧亡婢謂之獲皆謂奴婢之賤

稱秦晉之間罵奴曰侮燕齊之間養馬者及奴

婢女厮皆謂之娠女厮婦人給使者史記曰季布爲朱

家鈐奴藥布爲人所略賣爲奴衛青爲侯家奴

漢書曰王莽時匈奴侵寇乃大募天下囚徒人

奴名曰豬突豨勇晉書曰烈宗之母本織方中

婢形色長黑宮人謂之崑崙太宗以計幸之生

烈宗又裴秀之母婢年十八有令望而嫡母猶

妬賓客滿座乃令秀母親下食與眾賓眾賓見

並拜之 **事對** 周奚 晉隸 周禮曰奚三百人鄭玄注曰古者從坐男女沒入縣

官曰奴婢其少才智者以為奚今時侍史官婢是也古傳曰裴豹隸也杜預注曰犯罪沒官為奴 遺賈 賜

光 史記曰諸呂擅權陸賈曰天下安注意相天下危注意將 將相和則士豫附於是陳平遂結歡太尉以奴婢百人遺

賈漢書宣帝詔大司馬光宿衛忠正 鄭泥中 龐竈下

宣德明恩賞賜前後奴婢百七十人 劉義慶說苑曰鄭玄家奴婢皆讀書玄嘗怒使婢一婢於泥中

一婢來問曰胡為乎泥中荅曰薄言往愬逢彼之怒風俗通曰

河南龐儉少遇亂失父後鑿井得錢千餘萬行求老蒼頭使主

牛馬有婚會奴在竈下竊言堂上母我妻也使驗問遂為夫婦

如初時人語曰廬里之 陳餘地 吳谷利 應劭風俗通曰龐鑿井得銅買奴得翁 孫志節有蒼頭餘地年七十工 翻羹汚衣 覆酒就杖

書疏江表傳曰谷利吳大奴也 東觀漢記曰劉寬性簡略夫人欲武寬意何當朝會裝嚴已訖

使婢奉肉羹翻汚朝衣婢收之寬神色不異乃徐言羹爛汝平

劉向列女傳曰周室大夫仕於周妻淫於隣主父還恐覺之為

毒藥使媵婢進之婢私曰進之則殺主父告之則殺主母因僵

覆酒主父怒而笞之妻恐婢言之因他過欲殺之婢就杖將死

而不言主父之弟聞之直以告主父放其妻將納婢辭以自殺

主父乃厚 幣嫁之 拔劍斷席 平頭提霜 史記曰任安衛將軍舍人過平陽主家主

家設食與騎奴同席而食安拔佩刀斷席別坐 古詩曰足下絲履五文章平頭奴子提履霜 沈當問耕

劉使執杼 沈約宋書曰虜據滑臺太祖欲北伐沈慶之固

陳不可丹陽君徐湛之吏部尚書江湛並在坐

上使湛之等難慶之曰理國譬如理家耕當問奴織當訪婢陸

下今欲伐國而與白面書生輩謀之事何由濟上大笑劉謐之

與天公牋曰在於建寧之邑始得數 翟青代死 杜墓

年相遲方欲教奴學耕使婢執杼 更生 皇甫謐列女後傳曰會稽翟素者翟氏之女也受聘未

及配適遭賊欲犯之臨以白刃素婢名青青乞代素賊

殺素後欲犯青青曰向欲代素恐被耻獲害耳今素尚死何以生為賊復殺之千寶搜神記曰晉杜嘏家葬而婢誤不得出十餘年開墓而婢尚生云其如瞑有頃漸覺問之自謂一胡婢再宿初埋之十五六及開冢更生猶十五六嫁之有子 **胡婢**

善射

夷奴斫石

三輔決錄曰金禧為郡上計留在許都時魏武使長史伍必將兵衛天子於許

都禧與必善必見禧有胡婢善射必常請之從役也林邑記曰范文夷師父奴也以刀斫石障如斬蘆葦後為國王



後漢蔡邕青衣賦

金生砂礫珠出蚌泥歎茲窈窕產于卑微吟倩淑麗皓齒蛾眉縱橫接髮葉如

低葵綺袖丹裳躡躡絲扉盤跚踈踈坐起低昂和暢善笑動揚朱唇都冶武媚卓躒多姿精惠小心趨事如飛中饋裁割冀能雙追關雎之潔不陷邪非察其所履世之鮮希宜作夫人為慶女使伊何爾命在此賤微代无樊姬楚莊晉妃感昔鄭季平陽是私故因揚國歷爾邦畿雖得嫵婉舒寫情懷寒雪續紛充慶盈階兼裳累鎮展轉倒顏昕昕將曙雞鳴相催飭駕趣巖將舍

爾華矇矇

張子並誚青衣賦

彼何人斯悅此豔姿麗爾思不可排 **辭美譽雅句斐斐文則**

可嘉志鄙意微鳳兮鳳兮何德之衰高岡可華何必棘茨醴泉可飭何必滂泥隨珠彈雀堂溪川葵鴛鴦鼠何異乎鳴歷觀今古禍福之階多猶孽安淫妻書戒牝雞詩載哲婦三代之季吝由斯起晉獲驪戎斃壞恭子有夏取仍覆宗絕祀叔昉納田聽声狼似穆子私庚豎牛餒已黃歇之敗從李園始魯受齊樂仲尼逝矣文公懷安姜誚其鄙周漸將衰康王晏起畢公喟然深思古道感彼關雎德不雙侶但願周公好以窈窕防微誚漸諷諭君父孔氏大之列冠篇首晏嬰潔志不顧景女及雋不疑奉霍不受見尊不迷况此麗豎三族无紀綢繆不序解行索妃苟行求偶昏姻无媒宗廟无主門戶不名依其在所生女為妾生男為虜歲時醜祀詣其先祖或於馬廐厨間竈下東向長跪接狎鴝酒悉請諸靈僻邪當主多乞少出銅瓦鐵柱積縉累億皆來集聚嫡姪歡心各有先後臧獲之類蓋不足數古之贅壻尚為塵垢况明智者欲作奴父 **詩劉夷道**

詠死奴詩

丹籍生涯淺黃泉歸路深不及江陵樹千秋長作林

篇

喬知之綠

珠篇

石家金谷重新声明珠十斛買娉婷此日可憐只自許此時可愛得人情君家閨閣不曾難恒持歌舞借人看

意氣雄豪非分理驕矜勢力橫相干辭君去終不忍徒勞掩面傷鉛粉百年離別在高樓一代紅顏為君盡

歲喬

道元與天八公牋

奴曰高安兩手並殘指如竹筒畏風惡寒小者家生厥名曰饒腹中腹堅大如飯指

飽食終日不能作勞借一小兒倉公吳母近因冬節暫詣其舅狗咬一脛肉落如手攣筋徹骨跛而不愈長婢來成左目失明動則入井已死復生次婢良信有桓公司馬之疾行步雖曠了无前進隱疾難明辭不盡韻小婢從成南方之奚形如驚塵言語嚶厲声音駭人唯堪駘雞之无所

辭漢王康責彭髮

奴辭

我觀人鬚長而復黑再弱而調離離若綠坡之竹鬱鬱若春田之苗因風披靡隨身飄颻尔乃附以豐願表以

蛾眉發以素顏呈以妍姿約之以紉綫潤之以芳脂莘莘翼翼靡靡綏綏振之發躍動若玄珪之垂於是搖鬢奮髭則論說虞唐鼓鬢動鬣則研覈否臧內育環形外闔宮商相如以之都雅顯孫以之堂堂豈若子髭既亂且楮枯槁秃瘁劬勞辛苦汗垢流離汚穢泥土倉囁穰穰與塵為侶元素顏可依无豐願可枯動則困於摠滅靜則瘞於肉為命為此正著子願為身不

能庇其四體為智不能御其形骸懶鬚瘦面常如死灰曾不如犬羊之毛尾狐狸之毫釐為子鬚者不亦難哉

約漢

王康僮約

蜀郡王子泉以事到煎上寡婦楊惠舍有一奴名便了倩行酤酒便提大杖上冢巔曰大夫買便了

時但約守冢不約為他家男子酤酒子泉大怒曰奴寧欲賣耶惠曰奴父訝人人无欲者子即決賣券云奴復曰欲使皆上券不二券便了不能為也子泉曰諾券文曰神爵三年正月十五日資中男子王子泉從成都安志里女子楊惠買天時戶下髻奴便了決賣萬五千奴從百役使不得有二三言晨起早歸食了洗滌居當茅曰縛帚裁孟鑿井浚渠縛落鉏園斫陌杜埤耕地利刻大枷屈竹作把削治鹿盧出入不得騎馬載車蹠坐大嗽下牀振頭垂釣刈芻結葦臙繡汲水酪佐醢醢莫織履作鹿黏雀張鳥結網捕魚繳鴈彈鳥登山射鹿入水捕龜後園縱魚鴈鷺百餘駘逐鷗鳥持捕牧猪種薑養羊長育豚駒糞除常索饒食餽馬牛鼓四起坐夜半益芻二月春分陂隄杜疆落桑披穠種瓜作暗瓠別茄披葱焚撻發疇集破封日中早竟備雞鳴起去調治馬馱兼落三重舍中有客提壺行酤汲水作鋪繡條杯整按園中拔蒜斷蘇切脯築肉臠芋膾魚包鼈烹茶盡其舖

已而蓋藏關門塞竇餒猪縱犬勿與隣里爭鬪奴但當飲豆水
不得嗜酒欲飲美酒唯得染脣漬口不得傾盃覆斗不得晨出
夜入交關伴偶舍後有樹當裁作船下至江州下到煎主為府
掾不用錢推訪惡敗稷索綿亭買席往來都洛當為婦女求胎
澤販於小市婦都擔桌轉出勿蹉牽犬販鵝武陽買茶楊氏池
中擔荷往來市聚慎護行偷入市不得夷蹲勿卧惡言醜罵日
作刀弓持入益州貨易牛羊奴自交精慧不得癡愚持斧入山
斷槩裁棘若殘當作俎机木屐及彘盤焚薪作炭暑切罪石薄
岸治舍蓋屋書削代牘日暮以婦當送乾薪二三束四月當披
五月當穫十月收豆多取蒲葦儲益作繩索雨墮无所為當編
將織箔植種桃李梨柿柘桑三丈一樹入尺為行果類相從縱
橫相當果熟收斂不得吮嘗犬吠當起驚告隣里棖門柱戶上
樓擊鼓荷盾戍矛還落三周勒心疾作不得遨遊奴老力索種
完織席事訖欲休當舂一石夜半无事浣衣當白若有私斂主
給賓客奴不得有姦私事當聞白奴不聽教當笞一百讀券文
徧訖詞窮咋索訖訖扣頭兩手自縛目淚下落鼻涕長一尺當
如三大夫言不如早歸黃土陌蚯矧鑽額早知當尔為
王大天不作惡此文相傳多誤庶不遺漏

